

兩浙輶軒續錄

兩浙輶軒續錄補遺卷六目

許光華 馮可鏞 孫毓芳 金濠 孫臨吉

夏錫麒 顏宗儀 何銘壽 王錫疇 張蔭棠

鍾寶華 胥瑞琰 阮福昌 姚清祺 戴興淮

張家驥 鍾學聚 夏振麟 徐灝 章廷楨

孫泰吉 韓泰華 潘鶴齡 朱希鳳 孫兆麟

屠鑑 趙笙鏞 錢錫保 高保應 曹桂墀

章濬 唐翰題 史蘭 徐蓉 鄭載恩

錢聚煥 錢應濟 吳延長 屈茂垣 蔡錫倉

費金鑑 包晉 嚴汝恭 沈瑩 戚士廉

徐鑑深 吳皞如 奈燮宜 武洵 陳綯

何澂 徐友庾 王汝鼎 董慶章 王齡

馮偉 朱秉中 倪夢參 賀正修 陳誦芬

沈懋 陳學欽 袁槐生 徐鏞 鄭燃

韋濂 戴禮 洪自含 鄭夢江 黃夢香

董暉 馬恩舖 趙家薰 王毓辰 孫琥銘

葉枝玉 蔡燕綦 吳誥 王以湘 高澣

黃福珍 查世溥 張鶴瑞 戴熾昌 查仲誥

盧友炬 鄭福森 孔廣琛 陳得先 鄭鏡堂

郁庚 孫銘勛 施山 駱炳燦 翟翹

翟飛 葛鳳階 阮尙材 曹汝升 林慶衍

王瓊 屠鑫 孫詒燕 陸鳳儀 吳懋祺

顧錫慶 金濟 屠鎮 毛顯誠 陸亨濟

褚璣 邵王佐 嚴以寬 沈允章 吳耀炳

吳士鍾 汪立功 孫祖耀 嚴曾銓

兩浙輶軒續錄補遺卷六

督學使者潘衍桐訂

許光華

字品三號芸生錢塘人咸豐辛亥舉人著迎翠軒詩

沈桂芬曰品三為余辛亥使浙所取士性渾厚木訥寡交子孫伯名之教己酉舉於鄉品三轉踵其後

竹筧

萬壑泉流一脈閒蒼苔白石自迴環製憑斷竹更續竹清到
出山如在山瓶蓋生涯供挹注松篁幽韻入潺湲仙源儻覓
胡麻飯香積廚中熟往還

馮可鏞

原名可釵字佐君號舸月慈谿人咸豐辛亥舉人

駢體正
宗箋注

和周芝田明經 錫年 哭舉主張文貞公詩

我讀平陵曲怒焉心煩憂我讀西臺記潛焉涕橫流黃犢不
可贖朱鳥徒悲謳曠代猶相感矧在同心儔周君吾執友經

明而行修唾地文如李譚天辯若鄒相逢亂離後握手成綢
繆示我哭師詩情深語自適激烈碎竹石哀怨入笙篴京江
老司寇家鄰北固樓世系出宰相門第數公侯不獨家學遠
更兼德行優英辭罪瓊玉令聞重琳球

金殿初傳臚五色祥雲浮清切東觀地祕笈嘗校讐執法繼
桓鮑霜肅中丞騶采風遍秦魯星馳使者輜東南故材藪金
箭何人接公承

天子命持節來杭州湖山助浩氣雲水洗靈眸孫陽善相馬
一顧空驂駟吳公薦賈誼士林咸舉頭此信冰鑑朗彼幸珊
網收救時策再上隱然鍼芥投咄咄黃巾寇百萬驅貔貅
陸兩州地毒霧噴蚩尤妖氛浙東逼羅平鳥啾啾嘉禾及吳
興戎馬更躡蹂武林成孤注漸水若淺溝跳梁徧四面紛如

蟻蝟稠長圍七十日傾城絕糧餼釜空但煮鎧鼓破徒援桴
羅掘盡鼠雀道殣沒車鉤大有睢陽困尙運子房籌誰歟墮
軍志甘爲肉袒羞開門揖盜入笑語脫兜鍪公怒拍案起民
社一旦休畢命朱絲繩不用鞞刀抽賊見梁閒屍去冠襖衣
裘提挈納諸櫛送上申浦舟申浦聚眾官莫決是也不啟櫬
識臬卿依舊容顏留眦裂睛炯炯頭蓬髮髻髻短衫不掩胛
何有衾與裯改殮重薰沐禮制詳而周容無陳朱器襲襚結
黃綢蓋棺定論出萬口駟驛郵周君時避兵阜帽滬上游聞
之匍匐往竟難一面謀昨夜夢顏色今已隔明幽長歌聊當
哭悲風起颼颼心喪應三載哀辭足千秋讀君五字詩引我
萬斛愁緬懷呂文節

鏞辛亥座主呂先生賢基殉難安徽

誓志賦同仇後先騎

箕去大節相等侔行擬徒步往絮酒拜松楸哀愴如有作我

唱君應酬

孫毓芳

字稚香號石湖植方從弟會稽人咸豐辛亥恩科舉人官福建邵武知縣

緝雅堂詩話君以覺羅官學教習用知縣分發福建初署歸化邑最瘠苦能安貧箸清名讀留別一詩亦足見公道自在人心廉吏非不可為也

樂安家集兄嘗主講嵩陽書院同治中余游二室舊時學子猶有存者語及兄皆殷勤詢近歷若有餘慕云

攝宰歸化及期候代邑士以梅花畫軸贈行賦此酬之

兼以為別

珩溪于七閩民凋土尤瘠而我短于才初不耐縣劇差喜拙

可養竊祿逃杞剔愧無煦物功春陽蘇羣植但飲一栢水彌

復慚素食荏苒及瓜期傳舍成去客古處感此邦還惜留不

得裁將好東緝虬枝攝蟾魄寫茲冰雪姿為余傳心迹鑒此

意惓惓使我心惻惻願言歷輕裝用當鬱林石相思逢花發

...

...

折枝會付驛

金

濠

字樂魚金華人咸豐初年舉孝廉方正

鄧鍾玉曰徽士蘊真抱素莘莘為善與清安洪子泉並稱浙東善士性好書畫尤工擘窠及蘆蟹人甚珍之

雪意

樓外陰多冷逼衣樓頭山色隔林微
頑雲羃野日沈午敗葉打窗風亂飛
暖閣正宜供茗具貧家祇合掩柴扉
獨憐寂歷松軒下猶有天涯鶴未歸

孫臨吉

字以莊仁和人咸豐壬子舉人

張景雲曰丈與其弟吉齋致力羣經不以詞章名世曾輯六經典字類編百餘卷顏曰協堂手鈔蓋取譜協堞篋之意庚辛劫後僅存三十二卷其子炳奎猶珍藏之又輯詩話二十卷久行於世

過安西作

巖關屹立鎖黃流控引龍堆最上頭
撲地邊塵欺馬鐙照人

秦月上譙樓和戎自古無長策名將何緣老不侯短笛一聲

秋草白漫將淒調按涼州

夏錫麒 號雲勛錢塘人咸豐癸丑進士官湖北施南府知府

楊振鐫曰雲勛文由進士出宰鄂中歷知蒲圻通城江夏諸縣卓著循聲旋以禦寇積功擢守施南其地民情

素稱強悍丈莖任後以猛濟寬漸多感化未幾卒于官大吏惜之

甲子秋赭寇犯施南賴士卒用命力保危城寇退詩以

紀之

方面憂才薄巖疆况被兵軍書方絡繹寇盜太縱橫不賴同

仇助誰全闔郡生名言懷昔哲眾志可成城

顏宗儀 字挹甫號雪廬海鹽人咸豐癸丑進士官廣東候補道箸夢笠山房詩存

張大昌曰公少負文名尤工詩賦登第後與在京名公結春明課社往來唱和殆無虛日有瓊華僊館詩集之

著己未 大考翰詹列第一擢侍讀學士兩視瀕學辛酉壬戌典試

楚北所取多知名士乙丑奉諱家居浙撫馬端愍公廷
主詰經精舍講席遠近之士翕然宗之服闋後惡充

實錄

國史館

館總纂後以勞績保獎道員分發廣東到粵僅及四年

未展所為遽歸道山時論惜之

題張節母古井無波圖

古井碧沈沈寒泉照母心守身真似玉遺子不須金風樹孤

兒泣冰霜女史箴克家欣有後褒寵荷

綸音

耿漳詩有家貧僮僕慢句戲作兩首用為首句

家貧僮僕慢官美友朋親白屋無賓客黃金役鬼神炎涼更

翟尉貴賤歎蘇秦不獨耶溪女人人學笑顰

家貧僮僕慢客久雨風酸滄海鱗枯易空倉雀飽難雲泥無

舊識車笠渺新歡獨有爛柯者悠然局外看

題淵明歸去來圖

長安冠蓋盛朝日明貂蟬常情慕榮達未肯投林泉卓哉陶
靖節薄宦甘棄捐內足弗慕外委心聽諸天但願瓶有酒不
妨琴無絃北窗好風月時伴先生眠撫卷發三歎出處慚前
賢

德化道中

朝曦乍逼又成陰涼入籃輿石氣侵岸被江衝危欲斷村綠
雲擁近難尋南飛已墮蓬山翻北望仍懸魏闕心晚宿莫辭
茅店陋風泉繞屋作鳴琴

戲詠走馬鎧

是何人馬太怱怱孰爲吹噓迅轉蓬去去游蹤盤鶴似團團
行迹磨驢同偶然得氣因趨熱卻笑隨班似急公不畏夜來

殘蠟盡明朝依舊趁檐風

過鄒縣孟子祠

舉世方爭戰歸然道統任七篇懸日月一髮辨人禽古蘚繁
唐碣高山接孔林乾坤剛大氣充塞到于今

何銘壽

字子白國琛子海甯人咸豐乙卯順天舉人官戶部郎中

許莊祥曰子白性明敏為文尙才氣有幹畧足了十人捷京兆後入贊為郎官農部綜核度支吏胥懾服尋考取軍機章京入直內廷下筆下言倚馬可待設施未竟遽以時疾卒秉承庭訓好為詩然不自寶惜隨手棄散檢篋中得一首亟錄之以存梗概

擬東坡龍尾硯歌

瓊思瑤想鬱奇致琉璃匣護蛟龍異靈石幻形皆天倪空中
結撰出真意龍尾硯材貫精誠文章逸氣為縱橫詞成富有
遠寒儉豪端五色花吐英文檀什襲稱奇絕麋丸暗點冰花

纈鳳味之銘薄凡材乃更誅求先結舌管城昔化禽飛鳴龍
賓十二御案行明窗淨几澹無物喜得宿藻胸懷傾

王錫疇

字欽九號壽田餘杭人咸豐乙卯舉人官黃巖教諭

杭郡詩三輯敘九恂恂儒雅氣度寬和乙卯錄科以號舍不敷見遺無幾微溫色嗣提調列肩輿於甬道權為增益學使重子錄送是科遂中式辛酉秋隨劉比部鍾祥巡防北鄉緒寇大至奮呼日死當為鬼雄滅此狂寇力竭而亡今誦遺翰正氣凜然堪式浮靡

黃巖署勛同學諸生

四民惟士最居先讀聖賢書學聖賢斷染有成基在始研耽
無閒力宜專才高莫惹青衿刺志潔纔稱白璧全庠序爾躬
郊遂行芸窗空負腹便便

重葺蒼溪書懷

我學劉郎再到台閒曹冷職稱微才儘多舊雨芝蘭契敢謂

春風桃李栽十載僅能甘苜蓿一官媿未報涓埃邇來科第
駸駸盛端賴頻年

帝澤培

張蔭棠

字萼庭號韓卿步雲長子
錢塘人咸豐乙卯副貢

汪綬之曰萼庭秀骨珊珊清癯似鶴幼受讀于其尊人
魯伯文學才思日進與矩卿孝廉齊名性脫畧喜山水
遊辛酉之劫挈
妻子同時殉難

題程杏樓

龍光

湖山策馬圖

盡說湖山美登臨已夕陽問誰託生死茲馬極昂藏骨格憑
青眼心情付綠楊披圖感人世往事憶斬王

圍城口占

烽煙處處不堪聽見說前頭落將星食盡乾苔更無計解圍
何日且飄零

妻子相看不忍離鴻毛一死分如斯眼前竟是滄桑劫付與

他人腸斷詞

鍾寶華

號待山蕭山人咸豐丙辰二甲第一名進士官至翰林院侍讀學士著綠漫廬詩集

家傳畧公孝友謙謹沈靜寡言篤志好學歷久不倦
後戚友率流離困乏分奉資助無吝色居憂在籍適郡
邑戒嚴公舉辦團練著有籌防撮要十六條同治甲子
任陝甘學政癸酉典試四川鑑空衡平皆稱得士在陝
甘駐三原有涇州回逆敗竄縣境公著籌防論一篇防
剿規條六則咨商陝撫劉公蓉并勸諭紳富出資收養
難民與同城文武協力防堵賊斷我水道公捐廉開井
民賴以安募死士突圍乞援於督部楊公岳斌
欽差左公宗棠遂解城圍公于夏公同善為同歲生每以公
忠體

國相助一時咸推重之著

有經粹四卷史覽四卷

送孔筱亭刺史之官山西

裝馱小東馬蹶輕蹠踐風雲快此行偏是有情多遠別好為

循吏福蒼生臨歧有語皆真率數典無忘式老成家法官箴

應記取及時努力報

昇平

胥瑞琰

字酉山歸安人咸豐己未進士官翰林院庶吉士

丁兆慶日酉山登道光丙午賢書年未弱冠也春官六上始得館選乞假回里適值寇警避居海昌之硤石鎮未幾趙忠節守湖城貽書相招乃返城陷全家殉焉

得竹生書詩以答之

書來招我共孤城回首鄉園涕淚并寄語故人莫惆悵未衰
應見寇氛平

晤竹生

他人紛避亂吾子獨嬰城以我重風義因之同死生輕身投
虎穴到耳滿豺聲莫問全家在懷

恩涕淚橫

阮福昌

字藹公號曉林會稽人咸豐己未舉人官刑部主事著七錄堂詩存

陶潛宣日君幼穎悟下筆敏瞻久客京洛才名噪甚戲成都門竹枝詞數章自然新雋妙絕一時所著有琴意集二卷混沫集一卷損學齋詩記四卷經說待編

謁劉忠介公墓二十四韻

孔孟心傳合乾坤正氣鍾微言參太極大旨擇中庸北寺威
 潛煽東林索正洵諸賢遭黨錮吾道更從容論治追王業彈
 章劾巨凶獨憐周板蕩竟失魯章縫委體甘三黜攀髯絕九
 重江淮投乳虎將相狎孱龍君父讎應討春秋例必從荷戈
 圖報復仗義激凡庸不採親征計何關眾議訥稱臣哀草莽
 失國感蒙茸欲吹灰餘燼難治潰後癰私人皆側目刺客竟
 藏鋒去日書猶上歸來道莫宗瓊簫翻玉樹鐵騎墮金墉祇
 為偏安誤難酬九死悰匡山同抱恨柴市忍留蹤貳墓

熙朝典尊儒曠代逢門牆崇北面俎豆配西廡講社思遺澤
荒阡謁舊封黍油傷國老麥飯拜邨農日落毘廩舞春深燕
雀慵頻年望抔土高比首陽峰

感賦十二首

帝業平成拱四陲何來羣醜弄潢池

廟謨日廛肌如腊野哭全家肉作糜天意艱難嘗

聖主人心泄沓昧先知微臣日望燕雲色五餌書成墮纆縻
鬱鬱蒼梧勢攪拏紛紛八桂樹無花

帝心早慟王忠嗣人望旋摧李左車百萬金縢浮鴨米三千
組練蝕蟲沙君看粥飯尋常老伴食纔宜宰相衙

鐵鑲金墉比鄭牢長江飲水勝投醪登壇玉虎威先挫出地
蒼鵝翅更高赤羽行將揮勝氣洪鑪豈惜燎羣毛吳差保障

方如礪爭似修羅舉掌勞

高唐一戰朔方平燎盡鬚眉帥不驚人服常山因斗膽天生
道濟作長城火攻巧就瓢中計木介行銷濮上兵處處刀環
歌得勝昔年掉袋亦書生

海國金湯鞏遠圖荔雲紅處黑霧鋪鬼方豈耐三年克蠹類
難寬兩觀誅當路吠人逢溺犬窺冰曳尾笑垂狐首開漢室
和我策劉敬當年本豎儒

牛女墟中一劍函旄頭西射戰塵酣焚溪委甲中權將竹峪
輿屍外宅男扼要羊腸甘自棄長驅虎穴更難探渡瀘況是
威靈長一月應聞捷奏三

駭機觸處激奔霆龍戰元黃血正腥海上扶搖鵬振翼山中
屈軼草留筵曼胡隊隊誇談劍劬禿聲聲感語鈴太息劉寬

心若醉衝盃干日幾回醒

過江誰是有情癡解誦香山諷喻詩輸粟頻隨庚癸諾癭槐
同守甲辰雌屢聞犀首遷三舍不見班心贊一辭高厚有恩
酬未得諸公清夜可曾思

呵壁如聞楚客呻雲霞誅蕩隔重闌褐衣懷玉甯求聘席帽
如緇未染塵仗馬不鳴成底事怒蛙欲式竟無人也知鄧禹
空中歎寂寂乾坤尙此身

世事紛紜棋一枰英雄豎子各成名蹇驢橋上閒裴度滅刺
懷中厭禰衡擬掃橐街看獻馘更營隙地待封鯨青裙竟自
朝天去手挽銀河洗甲兵

從來跋足上天難纔見吹脣齒已寒軍宴三巡波捲白神符
八寶燭書丹枯枝已分成薪炭困獸何能避控搏笑看長庚

光入月三軍譁卸解征鞍

短舞長謔氣似虹菰蒲隨地錄英雄
鶴鵝列陣都如戲蟣蝨
併臣願效忠埋照孰憐青眼客
圖形雅俚黑頭公
脩然長揖
歸來日我亦當時左太冲

姚清祺

號鳳泉餘杭人咸豐庚申進士官安徽合肥知縣

朱啟鳳曰師以乙卯解元後六年釋褐入翰林館改
銅陵知縣燹後士習夤陋誨之學如嚴師邑瀕江水溢
沒田廬督修江隄費省工堅英果毅公亟稱之課最量
移合肥繁望大邑號難治因剛因柔庶政具舉先後襄
校南闈所得多方聞之士光緒乙亥
母艱歸杜門不復出優遊文史以終

和李宗燭銅陵圩工告成

昔我年強仕臨江宰巖邑江鄉與以窪江流浩以急如虹互
修隄恃之衛阡陌青龍集戊辰洪濤發秋月蕩析難復言災
至誠叵測營窟居曾巢單岡成澤國哀此噉噉鴻以工代振

給小民惜身家番搨亦爭集曰余愧不敏馨鼓親斯役舫舫
李使君廿年成曠別去歲歲將闌遺我一書札云爲斯民康
未雨思長策千金理隄防傾囊不自惜飭材務虔膠圖事胥
求實自冬復徂春且葵事乃畢汜區有豐年民居免魚鼈功
成不受賞卓哉樹明德惓惓中夏閒舊治情所憶天心正仁
愛補救賴人力如何宣防宮經年仍未塞

戴興淮

號逸溪熙堂子浦江人咸豐辛酉拔貢

李士塏傳署逸溪性警敏好讀經史善八分工六法從
蔡二風教授召南遊以器期之張文貞公錫庚視學
兩浙得逸溪卷驚爲異材遂登拔萃科文貞教授先後
死節逸溪益以忠義自勵洋塘關之役與父同掘險見
父陳股挺身罵賊被擒死更慘

卹贈如例

洋塘關下作

報

國豈無路殉親今有兒風雲都黯淡笳鼓助傷悲志士成仁
日孤軍坐困時寄言牧民者應爲念瘡痍

張家驥

字子騰鄞人同治壬戌進士官至吏部右侍郎

緝雅堂詩話子騰前輩以文學受

上知南齋瀑直有年復在
毓慶宮行走端謹雅博爲時名卿天不假年忽爾殂化
人咸惜之其弟家駒余乙酉使浙所得士美才也

月湖十詠

柳汀

一帶綠陰深藏逸老堂畫橋人獨立晴絮送斜陽

雪汀

寒飆初釀寒梅開杳芳信但見白漫漫夾岸花成陣

芳草洲

東風蘇舊燒原上自萋萋欲去無行徑黃鶯歷亂曉

芙蓉洲

涼露點微波水國雁來早開到木夫容一湖秋已老

菊花洲

甕頭熟香醪尋芳約鄰窵卻度憧憧橋來飲黃花酒

月島

照眼碧瓏瓔琉璃六曲屏夜深人不寐閒倚水心亭

松島

屈曲盤虬枝歲寒結孤賞謾謾度天風獨鶴時來往

花嶼

艤櫂采芳菲朝來露未晞香風引游屐瘦蝶上春衣

竹嶼

曲徑繞檀欒青青千萬竿幽居臨水檻當晝亦生寒

煙嶼

蒼靄抹晴波扁舟向何處落日不逢人但聞舟子語

鍾學聚

字柳谷號蓮裳錢塘廩貢署諸暨教諭

張預曰蓮裳世丈自幼工詩弱冠後有聲庠序與姪受怡明經濟名生平以孝稱無閒言

述懷次張少南韻

帶水東西浙三旬兩地遊衣鶉行避暑堦鷺獨驚秋風雨文

園病江湖謝客愁此時羈澤國雪淚望杭州

咫尺吳江近真如蜀道難故家埋玉樹臭味失金蘭客路無

舟楫居人尙綺紈退飛身似鷓愁至總無端

夏振麟

字省晉錢塘廩貢候選訓導

楊振鏞曰省晉文篤志好學純粹冲和生平無疾言遽色以弟雲舫太守宦鄂先後借之任所相助爲理晚歸

里門課諸子俱能得其家傳

古琴

焦尾何年製良材歷劫殘空山遺韻在人世賞音難海月中
宵朗松風萬壑寒子期如可作古調為君彈

徐

灝字子遠錢塘人官太常寺博士

緝雅堂詩話遠翁博學能文羣經注疏朱黃交下無一
漏字無一破句學者服其精勤余嘗于東塾見之言論
丰采非近人可擬也南北睽隔未幾聞已化遺集未
刻無從訪求僅于小苑庵詩話中得詩二首令子能續
父書著述甚夥惜蹤迹無定不及菱間耳

漫興八首

錄二

使相功成自不羣誤教匡坐待殊勳六壬元女言終驗五夜
青詞祕未聞鬼卒肯隨王內史匈奴真縛李將軍悲來應其
冤魂語萬丈風濤盪海雲

羽觴高坐會神仙轉眼山川景物遷鎮海樓前朝戲馬呼鑾

道側夜曉鷓樊中馴伏非前日楊畔酣眠近百年滄海卽今
成捷徑麻姑何必見桑田

章廷楨

字紀堂號寄龕
仁和恩貢

張景雲曰紀堂賦性純厚幼工詩善繪事弱冠食餽有
聲庠序課徒自給與人交無疾言遽色暮年境益蹇歌
嘯自得
泊如也

擬張茂先勵志詩

追蹤邃古與羲昊遊肄學孔孟陶淑伊周稟酌風雅殫洽春
秋洞元觀象窮源溯流

馳騁賢關沐浴聖化日月邁征榮華易謝靡閒暑寒毋荒夙
夜猛策進趨嚴懲退舍

豹思蔚文鶴求豐羽順理成章豪清颯舉濬淪靈源經緯妙
緒砥礪廉隅遵循規矩

蘭蕙在山天生秀逸巖穴養姿煦迎風日甘讓松筠不爭梓
漆醞釀芳馨貞此幽質

猗儻承蜩凝神茂林由基發矢射貫飛禽如何薄技應手得
心但期專壹莫畏高深

性輕富貴渺若浮雲立幹扶質約禮博文春華秋實培植宜
勤古歡締結夙夜惟殷

淪漪萬折機活源清松栢在巖蔥龍窈冥水流不竭川豈辭
盈覽物悟道莫弋虛聲

江河浩瀚流從源起盈科放海觀瀾伊始登高自卑以喻精
理差若毫釐繆豈千里

夷齊守義顏閔安仁百世而下人荷陶鈞健行不息月盛日
新立志弗懈求爲哲人

孫泰吉

字吉齋仁
和歲貢

丁丙曰吉齋研究
經郭尤精易學

吳山懷古

劇憐和議畫淮成局守偏安罷甲兵
試聽吳江橋畔曲野人
何地望長城

江上寒潮陌上花介亭南畔石排衙
錦衣鐵券沈荒土祇勝
殘碑閱歲華

金牌十二促還軍南渡衣冠已暮雲
一樹冬青渺何處路人
爭拜鄂王墳

謝兒曾寄此空亭草色猶餘六代青
晴翠滿山閒蠟屐高臺
嘯鳥學繡經

韓泰華

字小亭號退庵仁和人陝
西記名道著萬墨樓詩稿

楊振錡曰退庵家有玉雨堂收藏金石書畫甚多著錄
無事為福齋隨筆二卷刻入吳縣潘次勤公功順堂叢
書又玉雨堂書畫記四卷
焚餘草一卷詞稿一卷

遊琴泉寺寺在四川潼川府城外

殿閣凌雲起江山足騁遊人來千佛地雨洗一番秋心迹超
塵世賓朋盡勝流夕陽煙樹合詩興為句留

潘鶴齡字介眉仁和增貢官桐廬教諭

家傳略公工詩善畫以員外郎銜增貢生選桐廬教諭
會粵氛擾浙奉檄赴威坪防堵積勞成疾卒遺有桐君
山館詩草一卷

衢州春遊

平遠山頭落照斜炊煙起處有人家無多樓閣深藏竹絕小
村莊滿種花一葉扁舟三尺浪萬叢春樹兩隄沙故鄉風景
差相似大好清游玩物華

秋日感懷

蒼茫村郭挂斜曛，薄暮登樓挹翠氛。
萬疊山遮前路斷，一灣水過小橋分。
同聲但得蛩相應，獨立誰知鶴不羣。
客裏無聊頻眺望，半鉤新月掩微雲。

朱希鳳

字益甫，仁和增貢官，建德訓導。

春陰

臨流閒眺惜芳菲，纔漏朝陽誤夕霏。
近水鷺翹看漠漠，迷巢燕羽笑飛飛。
清謳隱約歸遊舫，落漲依稀認釣磯。
垂柳風前如醉舞，酒帘斜插指春旂。

郊行時到短長隄，幽草初生綠更萋。
花片飛來黏蝶粉，林梢遠處認鶯啼。
幾家村落疏於畫，入望峯巒淡欲迷。
暖沁春衣如有雨，淺莎踏徧不成泥。

孫兆麟

字祥士仁和諸生議敘訓導箬吟花室詩存一卷

楊振鐫曰祥士宿慧鬚鬣即好吟諷清麗聳拔風格雅近元人時緒氛逼慨然投筆從戎佐左文襄復省垣

旋以積勞卒年甫逾冠

新正偕高仰之玉照堂探梅

喬木尙當門依稀手植存危樓臨水渚奇石斲雲根地共巢
居僻園休葛嶺論春風芳訊續玉照滿山村

紀事

庚申二月二十七黎明忽報杭州失劍影刀光捲地來市路
人聲如鼎沸叶書生隻手無寸刃坐看毒烽連慧亭是時雨
淫天大漏慘澹愁雲黑于漆中丞齒嚼昨陽齷太守面謁常
山血惟有哥舒半段槍雞鳴暗度重關出差幸從龍多將門
眞將軍尙能堅壁盼得援師江表來蘇我蒼生知有日桓侯

鑑斗乍臨江光弼旌旂皆變色吳會旋驅狐兔遁湖山兔作
鯨鯢窟一夕紅旗到秀州流離瑣尾愁初雪入生出死心尙
疑好風且促歸帆發歸來城郭猶如故痛劇人民已非昔風
吹野火燒痕多青衫紅粉同枯骨漫寫黃墟感逝篇難尋白
首同歸穴國殤我欲歌大招蒼涼聊吮離騷筆

屠

鑑字保三仁利諸生
著冬青館詩詞稿

夏敦復曰從舅事母至孝績學不遇或譏以援例入仕
母老不忍一日離也母年八十餘舅亦五旬猶孺慕云
工詞章兼以篆隸名著
冬青館駢體文未梓

與子琴英甫約遊湖上會偕子琴至越不果忽忽春莫

寄懷英甫

避地非吾願邀春亦未成湖山終北去聲約琴劍乍東征世事
風雲變懷人涕淚并歡娛羨年少嗔坐亂愁生

趙笙鏞

字雲駟仁利諸生著琴鶴軒詩二卷

養自然齋詩話雲駟家北墅少幼學從余友王松溪遊松溪向受業于陸先生雲九先生過北墅喜主其家每談文中夜手自澹茗煮酒無倦色嘗于歲除日三人同游靈隱憩冷泉亭背誦東坡再至杭州諸作不少遺抵暮始歸不復知人閒塵俗事琴鶴軒詩二卷陸先生所定也

庚申避寇過駱家莊賦詩弔陸鯤庭先生

一死居然同泰岱駱莊西去近漁磯故都未返行人節荒野猶生義士薇難弟飄零仙蛻杳故交淪落鬪兵稀男兒致命生平事坐對松楸弔落暉

錢錫保

字艾林仁利廩生

吳慶坻曰艾林為嶼沙方伯之後年少有文未弱冠已食餼庚申寇難後不知所終

偕趙雲颿游花隴次韻

入谷無人迹時聞山鳥鳴竹梢團露氣草腳蔽泉聲樵路同

猿度僧居讓鶴行小窗茶話久說法悟無生

高保應

原名孟麟字祥伯鳳臺孫仁和人

緝雅堂詩話高生龔甫述其兄祥伯好金石文字遭亂相失不知所終余甚哀之今覽其詩考訂詳審懷抱岸異非常兒也龔甫嗜好與乃兄同倫桑淚零池草夢斷書廚畫續能無愴然高保康曰先兄沈靜力學厭制舉業喜讀子史尤好金石文字歐趙以來諸家著錄無不瀏覽攷訂字義鑿別真贗若有風悟作書喜效坡公體長者許其規模大似益喜習之庚辛之難全家避氣於越甲子正月賊遁隔掠村落况流離相失不知所終遺墨友盛所存僅此數首錄福授編可勝悽愴

敦煌太守裴岑紀功碑

呼衍勢寢張振威倏殲盡郡人爲建祠不然功已泯朝政慨多秕邊害恣愚蠢檻泉發山麓石人立孤筍筆簡氣奇古雄勁此規準千載棄荒落岳侯徒闌楯探奇動遙慕椎蝕繼霜隕重摹屢改觀牛氏尤足哂蒲類瀕海疆德祠義曲引好古

數見譎審真恐未允近始快所獲珍重侔玉纈尙有沙南碑
希世勞觀閱

韓敕造孔廟禮器碑

隸興參變化字畫豈牽率屬辭從風會徵祥亦善述求義味
厥由穿鑿入幽密析名推勞賚題字滋口實要當觀其通經
義還相質葉箋論筆妙侈爲漢第一妙處亦分殊美茲勢宕
逸鐫華多戲奧用脩缺其七熹平十三字模胡恨晚出阿那
亦剛健玩覽消白日蘇齋訪後碑積思如疾疾屈指三百年
片石何時失

李翕龜池五瑞碑

嵩嶽與西狩人物並具形武祠肖儀像銘贊列軒庭畫意通
書理古拙發新硯伯都令洪農肴欽修山陘德治仰精通大

瑞感神靈輿誦記西狹并刊圖山屏險石轉崖角俯視溪深
青手摹絕艱苦拓本各奇零其事況異地傳世分渭涇豈知
出一手前後銜修翎近時出氈蠟完善具模型題名見圖下
每爲目眇經明當理游展捫讀蛟龍聽

仙人唐公房碑

神仙儻可見安用疑眇芒唐君帝堯胄命壽稱無疆相傳出
耆老太守爲表揚啖瓜進其美敬禮察在旁舉家事傭工美
酒浣惡瘡在我旣未仙焉知彼非常飲藥入雲去鼠悔吐其
腸流澤被所居秋冬鮮繁霜筆意得仙趣事遠不暇詳方其
未上升智谷相期望酈氏壻行說奚煩辨智鄉考文不求義
寓言等蒙莊衷中有祠宇形訛爲公防

擬陶淵明讀山海經

用原韻

陽和嬪令序佳氣發森疏俯仰霜鬢短深衣返敝廬村秫餘
清酌適興託琴書故人邈溪阪往復辭巾車朝耕欣雨足秀
色分園蔬北窗時臥起鳴禽樂與俱

羲馭凌東望潛光開心顏白蒼汗如漆閱世疑千年凱風自
是出丹穴通旄山文鳥如可見歌舞當永言

蟠冢出漢水鉤端照荒邱赤實味如飴光景孰與儔玉膏禦
不祥泡渾長西流瑤華今已邈副乘慕來游

槐江多琅玕丹粟出其陽文鯨附雙翼軒龍隨波長豐穰有
嘉瑞熊能發其光寶氣何時息數見饑三皇

五殘職天厲淫氣咨可憐員神隗氏宮偕居長留山反景入
東照主司天何言轉旋有至理長世登大年

女娃游不返常銜西山木柘陰覆其上鳴鳩出深谷咸池納

淇波皦日時爲浴光華徹沈冥流景炯相燭

綸水清且寒遠繞山之陰高桑五十尺四衢交茂林其葉大
尺餘風來自成音帝女何時采名之亦無心

靈藥非可覓神完獨能長古人形未泯玩世如尋常芎藭卻
服餌祖黎足餘糧委運得至樂長生正未央

后羿戰壽華鑿齒持盾走九嬰困凶水勢窮尙爭負民害待
早除武功亦何有堯仁本至宏覆轍嗟鑿後

窮山都軒轅諸沃達遠海不壽八百歲壽者豈猶在甘露充
朝飲道阻空復悔白民乘飛黃差與相對待

柏柳食九山貪暴逆明旨谿澤未可窮憇茲自速死血膏息
壤地良畝焉可履賸彼眾帝臺妄志曷足恃

木德甚東方其國多佳士帶劍蕭衣冠翩然慎容止文教遠

莫被休風胡乃爾奸讓不解爭擇里緬君子

后稷葬都廣託終蔭羣才靈壽長花實鸞鳥時歌來百穀自

生殖大穰不相猜要荒極四海相士此佳哉

曹桂墀字笑拈海甯歲貢

許淮鮮曰君冲齟淵雅粹然儒者跌宕文史媚學不倦
尤好為詩與陸茂才泐山應明經笠湖周孝廉次軒相
倡和造詣益進詩名益噪今百一山房集尚存和章欲
觀原唱如廣陵散矣余少耳君名輒心儀之歲戊子族
兄笙甫延課于姪君來會垣過從始稔年已六十有五
猶談詩媿媿肇騰韻殆無虛日明年冬嬰微疾卒無
子笙甫經紀其喪塋某攜輟歸里遺藁若干卷亦俱攜
去余忝采詩之役挽人函索迄不郵际仁和陳茂才夔
仲與君交善揆尋篋得詩
四首錄附補編並識緣起

讀漢書揚雄傳

託身清靜演苞符借問羣嘲可解無少作反騷甘寂寞老緣
投閣受挪揄虛名忝附劉中壘直筆難逃莽大夫一事讓君

稱獨絕賦才不愧長卿徒

登捍海塘望杭州諸山

水天渺渺浩無涯海國冬溫霽色開潮落沙痕連草沒雲移
塔影過江來殘山一角悲陳迹強弩三千憶霸才今古滄桑
凡幾易欲因清淺問蓬萊

書吳梅邨詩集後

國運剛逢鼎革新跼天躋地一詩人分無氣節高當代終爲
才名累此身長變歌行誰敵手義熙歲月獨傷神松山哀與
圓圓曲愛爾騷壇記載真

題踏雪尋詩圖便面

雪滿千巖冷逼身吟肩瘦聳不知春眼前正苦炎蒸甚可有
冰山赤腳人

章

潛

字輪香餘杭廩貢候選知縣著春風草廬臚稿

揚振鐫曰輪香先生夙負鄉譽才豐遇嗇先世饒於財設有義莊家塾遇燹荒廢君董理之稍稍復舊業族之貧無以存者咸賴焉

食鯊魚 有序

俗名逆魚考邑志五月溪水暴漲時太湖魚逆流而

上大不踰二三寸鱗紋細白名曰逆魚至夏至日即

止山海經謂茗水中多鯊魚即此是也

黃梅雨過鯊魚肥逆水來游傍釣磯三兩寸長莖葉小百千

頭聚藻蒲依一鑑乍看青溪艇雙扇如撐白板扉漁人以白

中使鎧光激射魚自躍料得老漁乘夜去半鉤涼月浸蓑衣

溯流而上太湖東薄比銀刀一望中魏武食志謂之望魚詩詠蘇仙誇

美似東坡贈孫莘老詩注傳郭璞釋名同爾雅鯊鱖刀鱗紋

細白供盃酒溪水深青繫釣篷剛值鄉郵蠶事罷半街曉市
趁鯉風

檢點山經讀異書閒披爾雅釋蟲魚地當茗水緣谿上影亂
蘋絲聚族居一陣雪翻風定後數枝槳打月來初勸君莫作
江湖想不待蒹蘆憶故廬

南茗新漲滑如油逆水魚肥溯上流粉板影搖微雨後筠籃
聲喚曉風柔閒披志乘添詩料列入盤餗佐酒籌記取一陰
逢夏至具區萬頃任悠悠

長夏偶成

我有一閒屋不共熱客逐松棚生陰涼柴門少剝啄清風徐
徐來枕書還倦讀把卷自科頭微吟便坦腹課兒居其中猶
之牛舐犢所志在巖阿余情樂邁軸不種曼倩桃不植陶潛

菊屋後四圍桑門前千畝竹汲鮮奉高堂橫經啟家塾能卻
戶外喧時散爐中馥高臥侶羲皇靜坐貪休沐夜涼明月生
飛過幾蝙蝠

遺懷

擬卜幽居近薜蘿綠天如幕翠浮螺依山作屋風能入編竹
爲棚日易矧室欲驅蠹求艾久書因辟蠹聚芸多平生志不
謀温飽只合巖棲矢寤歌

唐翰題

字鶴安號蕉庵嘉興虞
貢官江蘇吳縣知縣

許江蘇知縣署繁劇補吳縣旋署通州知州所至有
政聲家新豐與竹田里接壤得妻祖張叔未解元指授
精鑿別多蓄金石書畫兼擅繪事鐵筆箸說文臆說荀
子校注唯自
勉齋存稿

虞山張君芙川

蓉鏡

出示杭州龍泓洞宋咸平閒造象

記拓本册首七字為余外舅祖張叔未解元分書後

有我師闕繖亭孝廉鳴珂及忘年至契陶丈鉏雲瑄

題迹眷念先輩振觸予懷感賦四十字

未竟探幽事蹉跎廿九年道光乙未曾侍闕師偕陶丈弟昇

事徵逐未暇攜壺蠟至今以為憾事老成歎凋謝翰墨幸流傳好古吾同癖護

持佛有緣芙川潛家山歸不得對此總淒然

隨萬稚軒方伯啟琛渡江謁侯相曾制軍守風燕子磯

口占用沈文慤登觀音閣韻時同治甲子九月二十

一日也

年來飄泊太無端庚申後江甯方伯衛駐淮安移高郵再移

制好挂蒲帆渡激湍高閣空餘天際想觀音閣豐碑猶許望中

看御碑時磯頂巍然獨存茅檐百堵炊煙暖流離甫集居者支江渚

千櫓夕照殘我亦有懷如挾纊浪花捲雪不知寒

史

蘭

號雙橋嘉興諸生

吳受福曰雙橋以書名喜作藏鋒清高深穩上
類永興兵後後流傳者少得其片楮珍同拱璧

過翠雲精舍讀液川止人觀幻居詩留題

液川吟詩如畫竹脩竿勁葉風生屋有時作畫復題詩見詩
不見畫滿幅卽今何處留遺編小橋流水南湖曲大小乘參
短長吟禪林應當佛書讀

徐

蓉

字平甫嘉興諸生

小匏庵詩話平甫余總角交也家世業賈君少孤而貧
讀書甚慧與余同補弟子員銳于進取未見其止年僅
三十一而殂且無後家有青藤小像自
題五古一章甚奇恣亦可見其志焉

青藤先生小像題詞

王李爾何人優孟豈其偶談詩聚簪纓布衣擯謝安宗老
先生

為余族遠祖

古之狂去去勿回首滿腹不合宜陰符懸肘後跳身
幕府中怒氣高北斗胡帥老兵耳狎坐共飲酒醉中吐奇謀
殺倭似雞狗白鹿擬表文羣彥各抖擻一篇談笑成至尊露
顏受書生骨不肥法不綰印綬孤憤挾褊衷數奇復舍垢併
命骨肉閒餘生付鉗杻夢夢者彼蒼誰能究休咎小子緬清
芬意行無科曰萬一脫儒巾誓不門戶狂

鄭載恩

字梓雲嘉興人官邳州直河司巡檢

王翼鳳序畧梓雲為孔有函太守壻少讀書期用世入
贊得河上尉咸豐辛亥河決豐工在役著有成效王子
再潰以率歿有函為營葬銘其墓編遺詩得二卷用志悼惜云
孔繼鏞傳略梓雲在自有令名詩冲澹慕
韋孟兼擅書畫盛年歿王事是可傷已

題藍孟公桃谿漁隱圖

扁舟成一往何處著風塵漁釣從吾適谿山自好春

聖朝無棄物大壑有潛鱗太古耕桑樂人間可問津

錢聚煥

字頭夫嘉興人著

青峯草堂詩集
緝雅堂詩話楊謝先生
輒欲尋訪未果周青士
寄懷詩云立言惟布粟為政在
家庭先生當之可無愧詞
今謝夫所和即此詩也

不寐

淒淒風中露唧唧砌下蟲
徹夜作苦吟悲秋與人同
歸夢不能作百憂填心胸
飢鳳匙竹實回翔丹山東
菘米滿江湖樂哉雙飛鴻

訪楊園隱居用周青士韻

百年存正學多士有儀型
舊句曾題墓繁花尙滿庭
姚江難立派張子可傳銘
大隱高風渺故山松柏青

錢應濟

號星池嘉興人

索居

索居愁歲月背我去如馳陋巷無花柳春風到不知疏狂憐
故態感慨入新詩悟得離騷意幽蘭寫幾枝

吳延長

號餘山嘉興人

小匏庵詩話從祖餘山公生平酷嗜書畫工鑒別收藏甚富亦能詩惜不存橐

題南野草堂詩集

清才無敵吾宗老脫口詩篇萬手鈔名士到門爭下拜上公
折節徧論交青衫湖海游方倦白髮田園夢未拋從此竹林
多快事問奇長許叩衡茅

屈茂垣

號紫卿秀水人著招鶴山房詩鈔

沈景修曰君性嗜吟詠不競榮利閉門讀書足迹罕出戶外與兄慶壙終身友愛無間言見人恂恂退讓遭亂以貧困卒

立秋夕寄吳蘇門

山房夜聽風雨惡，銀釭欲燼涼生幕。碧陰似水浮疏桐，靜看
一葉閒階落。誰家擫笛吹離愁，雙鬢忽隨天地秋。眼中歲月
瞥飛電，最宜把酒酣高樓。挑鐙快意讀青史，百年甘與紅蟬
死。願言心迹追羲皇，坐閱塵寰等浮蜺。須臾月挂遙天孤，草
蟲唧唧鳴煙蕪。靜思一士掩深院，狂吟醉擊王敦壺。

晚泊硤石際曉游東山過智標塔入碧雲禪室

朝辭南湖雲暮宿硤川，月疏鐙曳短篷淺水咽危石。晨興涉
重岡苔滑步逾窄，宿煙尙林梢初陽已簾額。峰迴鬱千盤磴
轉經百折絕頂紺塔存，檐迴棲霜鷓風吹鈴鐸鳴清響。落幽
樾入寺不見僧，空階長薇蕨涼陰翻碧雲。古佛拜迦葉摩挲
殿旁碑，釵股半殘缺。喟彼巖棲人，誰爲同心客。

由慧力寺上紫薇山憩西廣福院

寺前溪水流寺後雲山靜
揭來古寺中譚空妙禪境
平麓雨初晴眾木浮清影
躋巔眺遠峰秀色晨妝靚
拂帽松風輕滴衣山翠冷
巖虛嵌佛廬啟戶對修嶺
迎賓羨老僧茗瀹雙龍餅
瘦石敲壞廊怪藤絡枯井
昔賢記此遊樂天曾遊此山
作詩感萍梗大雅久云亡
我懷何由逞欲去重徘徊
坐聽黃鸝請

題李聽雨蘆雁

瑟瑟蘆花淺水頭遙聞征雁下
汀洲半江涼影孤舟夢五夜
殘聲兩鬢秋飄泊豈無身世感
羈棲祇爲稻粱謀休言著筆
多平淡未盡胸中萬斛愁

題楊利叔象濟修竹軒圖

荒村古寺紅雙扉榆葉繞扉青
四圍何年種此萬竿竹霏霏

蒼雪霑人衣坡仙老去不可作林閒白鶴空南飛憑闌獨自感今昔歸棹卻受春波肥

賃居花市張舍作

何必終南假仕途此閒真樸古來無當門幾樹水楊柳隔岸

數聲山鷓鴣花嶼鴛鴦機喧夜市花市亦名花嶼居人梅隄魚

影上春湖花市濱於梅湖湖隄有二橋多柳煙波深處供吟眺合寫張為主

客圖

蔡錫倉

字裕齋石門人

在福椿曰裕齋幼好讀書志趣曠遠長肆力於詩古文辭嘗客都門所至必博觀其山川風土尤樂與賢士大夫遊歸而學識益進以數奇卒不遇晚歲喪偶一子早世家窘甚而終無戚戚容然卒齋志以歿遺稿散佚古云詩人多窮其信然乎

和家少峰兄題梅花峰圖

石為前明呂氏友芳園中物

城闕荒涼潭水清秋水潭園中池名梅花一夢記三生幾經浩劫灰

飛處漫道癯仙浪得名墨暈尙疑搖竹影苔痕似聽瀉泉聲

莫愁畫裏空飛去索向寒齋問舊盟

秋日

村舍蟲聲四壁虛窗月色三更惹得秋情入夢吟魂飛到愁城

卽事

無客到村莊春深日漸長秧新鉞影轟蠶老剪聲忙戶下重簾寂陰團茂樹涼連朝溪雨足春漲綠芳塘

費金鑑字雪舫石門增生

蘇志鑑嘗游燕歷皖晚館桐溪多與名人相唱和有聽月轉西軒雜著八卷

秋曉泛舟

小艇搖波碧行行趁曉風香來何處菊紅到隔江楓老我綠
生計終年成轉蓬賦詩聊遣興南雁正書空

留別桐鄉楊子映川

槐市橫經踵後塵他鄉契合誼偏真好奇爭問揚雄字作客
誰憐范叔貧明月梅花同入夢伊人秋水可傷神從今萍聚
知何處深恐重逢迹已陳

包

晉

字俊卿烏程諸生候選訓導著善鳴集

家傳略晉以諸生於咸豐辛酉杭城再陷時遇賊不屈死詩筆超邁有磊落不平之氣足以見性情也

聞故園消息

四境諸侯守憂深鄭北門此邦全局在大帥近郊屯有客憑
風鑑思家傍水邨傳烽今咫尺漫說武陵源
歸去愁無計傷心祇自知便虞成契闊不敢問安危喪亂離

羣苦鄉園入夢疑但教常好在遑恤忍朝飢
相守誠何益艱虞或共嘗沙蟲開浩劫風鶴逼吾鄉多難魚
將爛無情鳥自翔別離爭作計空斷九迴腸
故國危難定當時已熟籌苦添妻子累貧作稻粱謀極日還
塵甑驚心況漏舟東西無百里齊著鐵兜牟

大庾嶺

山勢逼青天關門天上懸地猶尊漢尉碑已泐唐年殘雪中
峯盡叢梅絕壁穿巨靈資斧鑿如見曲江賢

嚴汝恭

字佳修號宣臣又號采丞歸安廩貢著誦絃樓偶存草

雨泊王家莊

烏篷夜泊雜蒼葭水面雲沈日已斜遠浦漁燈四五點平橋
酒店兩三家岸盡斷續隨風急村柁淒涼帶雨撾好待明朝

開霽色一帆穩送客程賒

沈瑩字補蟾歸安廩貢署甯波府訓導

碧桃花

簇錦迷離密似茵開時減卻二分春芳塵滿陌懷前度輓淚
當門夢故人風裏惜無香可挹雨餘含得豔初勻武陵溪外
花如海漫向山深問古津

戚士廉

字隔伯德清廩貢籍穎香樓詩稿

洪衍慶傳畧隔伯篤孝友敦品行所作詩古文辭具有
根柢臨終有一第艱難鮎上竹半生辛苦鼠搬薑句懷
才未遇可概見焉

酒酣拔劍圖為廖梓臣明府宗元題卽送歸楚南

詩才八斗酒一石豪氣十丈劍三尺濁酒澆胸魄礪消長劍
倚天鬼魅辟身軀鶴立勢軒昂神光炯炯雙瞳碧手種河陽

下字其目系多不字 六二 三 六川女

一縣花君宰德清腹藏賈誼千言策撫時太息獨沈思霜落

英姿露眉額君今襪被歸故鄉干戈滿地阻行迹匹馬長驅

不可留安問山程與水驛我歌一曲送君行且舞青鋒浮大

白

徐鑑深字雲麓德清廩貢

箸花樹軒吟草
余承普曰雲麓為許子
雙宅相寓管米山最久

孤山探梅至和靖祠

傑閣依山峙雲陰薄暝餘言申秋菊薦來訪古梅居足擬水

仙操能無封禪書依然翠微側疏影小窗虛

吳皞如字雨岑象

山諸生
陳得心傳畧先生少工屬文持躬
嚴謹雅喜誘掖後進至老不衰

湖頭野色

貪看野色好湖頭日已暮淺水流平田炊煙出深樹坐聽布
穀聲行與農人遇分秧知有期郊原綠無數

余燮宜

字少盛象山人
著鋤經堂詩存

陳得心傳畧舅氏少孤力學志行
修潔孝友睦鄰任郵兼而有之

懷家兄

精廬筆硯共寒檠中澤哀鴻悵遠行聞說康衢滿荆棘夢中
歷歷共郵程

武

淘

字亦山定海人
恩貢著寄吾吟草

落葉

秋聲入庭宇落葉風中飛干人亦何事對之增歔歔弱質不
自持委棄隨流澌回首媚芳春相隔幾何時後凋有松柏蒼
蒼橫翠微

陳

絢

號魏堂炳子定海歲貢著鄂華吟館詩鈔

漫成

片片愁雲鬱未開
梅銷城外亂山堆
人如社燕年年別
愁似江潮日日來
蜀郡至今誇軾轍
梁園從古聚鄒枚
丈人不識龍威字
付與昆明劫後灰

何

澂

字心伯號竟山陰廩貢福建候補同知著竟山詩鈔

緝雅堂詩話君先就教職歷署蘭谿永嘉教諭定海訓導皆有聲已援例指捐福建候補同知凡渡臺者三署臺陽襍詠合前撫部王文勤公校官馬清樞子翊所作刻之足備東瀛風土之采署浦城知縣得士民心稱循吏焉

奉檄赴建陽舟中雜詠

一葉扁舟泛鷺鷥

船名

篙師三五力能支
不堪水口重經過
痛

憶當年賦別時

一灘乍過一灘來亂石嗟峨到水隈爭道逆流撐未易浪花噴薄響如雷

東西谿路看分明流到延津个字成聞說有時春水漲桃花千尺浪平城

金盤關外夜停船白鳥朋飛逐暮煙正是欲眠眠不得鼓聲敲徹五更天

徐友庠字益之號少穆山陰人官兩淮河埭場大使

紅柳

一聲長笛成樓前紫玉魂歸欲化煙山奪焉支尙春色塵從京洛到窮邊纖纖眉黛翻新樣濯濯容華記少年千里關山空夕照珊瑚還與續絲鞭

王汝鼎字和葦號竹亭山陰人著適安廬詩詞鈔

家傳畧公性嗜學喜吟詠制行端方
處困境而好周人急尤爲鄉望所歸
緝雅堂詩話和葦有水仙花詩云不
曾沾寸土也放歲寒花頗見節概

郡城歸途作

東風轉作南風顛新蒲細柳齊翩翩湖雲帖波潏欲雨山翠
撲人濃入船村西收麥婦登隴郭北飯牛人下田老漁歸來
飲爛醉繫艇去狎羣鷗眠

歲暮雜感

行行歲又新落落客何親馬齒空加我猪肝苦累人壯心消
逝水薄命託勞薪長憶寒梅發年年故國春

初春夜雨

東風催物候細雨作春聲簷雀寂無語遠雞時一鳴餘寒欺
病骨塵網縛勞生永憶他鄉夜蕭齋對短檠

瓜州浮江至丹徒

箭激江流去不還
拏舟東下聽潺潺
樓臺丹碧南朝寺
巖岫蒼涼北固山
帆轍遞催遷客老
水雲長羨野鷗閒
干戈已靖家園在
莫歎還鄉兩鬢斑

由臨浦至桐廬途次作

旭日烘晴曉翠濃
披衣便見碧芙蓉
不知一夜扁舟路
暗裏溪山過幾重

截水孤巒俯碧流
遶江驛路近杭州
誰攜畫苑無雙筆
來寫

春江第一樓

董慶章

原名增號箕山會稽人侯選同知箸取斯堂遺藁

蘭亭續禊

用十二侵全韻

春風蘭渚花覆潯
永和三日同追尋
古稱上巳符佩王
帶攜

剛卯綴絳綬臨流釁浴衣解紵前裘修禊除災禳爾時四野
霽春霖氣清天朗雲展霽桑陰處處唬戴鴛松杉滿路聞鳴
禽地有修竹兼茂林崇山峻嶺圍崎崿清流映帶嵐翠侵惠
風和暢吹蕭森羣賢畢至朋盍簪衣冠婉孌容繩緼嘉賓宴
樂歌鹿苓行廚竹裏漑金鬻紛羅殺核烹燂燂茶槍穀雨鬪
綠沈美酒十千沽柳柳流觴曲水時浮湛觥船演漾渡寒灣
沿波列坐差復參箏琶俗耳洗聾暗雪湍激石如鳴琴豈無
管絃絲竹音嘔啞嘲嘶徒哇淫何如觴詠醉且吟銜杯覓句
重酌斟心花組織勝紉紅瑤章追琢珍珠琳鏗旬逸響海吼
鱗蘭茗翡翠參櫛椽少年豪氣露劒鐔龍文扛鼎力獨任新
詩一一舒靈襟暢敘亦足娛我心酒闌俯仰感不禁人事舛
午商與參彭殤修短天難諶安得仙藥采苓棧清談典午痼

蔽深右軍此序意寓箴良言規戒何惜惜三百餘字字燦金
筆陣盤攪善縱擒流傳禊帖爭樞臨鉤挑常以指畫衮較量
肥瘦兼李擒露穎乍疑刀斫樵藏棱又似絲裏鍼峭如危峯
聳嘔嶽秀如良苗初胎姪爽如秋風滌苦霽雲光解駁開陰
靄俊如驕驪度駿駿龍媒森立萬馬瘖殘碑日炙復雨淋苔
蘇班剝粹磨礪硬黃響搗紙微黔裝池拂拭走蠹蟬斷縑零
楮寶若琛後來摹倣皆蹶泔名賢祠宇臨幽岑高風雅韻咸
仰欽同人續禊寫素忱蘭觴薦酌神所歆今之視昔後視今
千秋佳話留山陰

王

齡 願 名 錫 齡 字 九 亭
齒 號 獻 篁 蕭 山 人

丁文蔚傳畧先生生有至性所藏書畫皆忠孝手迹又
好聚碑帖見善本手自鉤鐫且好爲人刻遺稿永康吳
烈婦絳雪詩
稿其手刻也

苧蘿村

西施越溪女明媚空自持一朝西入吳豔色天下知春風白
玉牀歌舞無休時方謂報君恩終餘亡國悲幾年鹿走姑蘇
道苧蘿村內空荒草美人一去斷消息溪畔碧桃爲誰好鴛
桃花落散紅霞魂逐鳴夷不到家羨他溪外東家女頭白溪
邊尙浣紗

潰卒

師嚴多高足將良無羸師眾寡不具論試問將者誰徵調苦
悉索往來須歲時見敵鳥獸散雖多亦奚爲披甲僵欲仆矧
有顧交綬

聖朝法古制王道無偏私兵農各異業兩者交相資如何橐
弓矢居安遂忘危終年糜餼廩鼓腹恬以熙寇盜近充斥黎

民半瘡痍攘奪徧郊野世路何時夷請先明紀律勿復咨鞭
箠淘汰及老弱訓練無定期令嚴將益尊雷行風自靡指臂
互相使恩威不復疑懦卒雖云孱豈不如蛾眉吳宮教戰陣
再鼓笑且嬉隊長旣云誅進退隨指揮古來善陣者豈必皆
熊羆不教而使戰何如竟棄之

桃花

門外絳桃花可憐亂紅如雨落谿煙老僧自入瀉山後坐過
蒲團三十年

馮

偉

字月軒餘姚廩生

雪湖別墅

馮督學蘭自江右回里重拓桃花莊自題曰雪湖別墅

頗享林泉福逍遙結草廬舊遊謝人世別業老江湖石壁開
窗戶松陰滿畫圖履綦不可見惆悵在青蕪

汪氏五烈婦

汪材之繼室符氏性嚴介嘉靖間倭奴犯境與娣夏氏從娣宣氏同謀死難其祖姑

符氏曰吾忍獨生乎遂連袂投池中材有女曰吉瑗方垂髮亦投水死里人稱一門五烈

聞說汪家婦輕生不失身心同盟白水志豈玷紅塵勁節風

霜尾芳名日月新一門五烈女誰表此完人

朱秉中

字蘭舫臨海諸生
箸仙掖山房詩草

雜感

大道如元氣渾淪形質先六經如燭龍銜耀麗中天孔孟如
日月光景照入埏異端如聾瞽面牆狂且顛倫常日用外何
處悟真詮漢人亂以讖宋人亂以禪去彼讖與禪坦步入聖
賢

孔子刪百篇斷自唐虞始雜家競詭奇託言軒轅氏元女授
陰符兵革從茲始應龍逐旱魃神靈供役使更有容成術謂

可致仙理釜山合靈符乘龍雲霧裏秦皇及漢武往往惑諸
此且戰且學仙女謁進不已續鞋塞王聰聞之宜掩耳
商鞅挾七術乃以鑽孝公後世談經濟率皆祖其風天心或
厭亂有時幸成功小康輒自足無復希大同漢唐非三代吾
聞之晦翁

東風何處來綠我庭前樹新雨昨夜聞草色侵階路倉庚時
一鳴披帷如共晤何必琴與酒聲味澹吾素靜觀萬化理於
焉得真趣

倪夢參

原名夢生字翰
仙臨海恩貢

雨窗述懷

潦倒名場又素秋百年消得水東流英雄失路無青眼貧賤
依人易白頭長策贈君惟有醉奇書在手更添愁已拌身世

如浮梗孤劔摩挲獨倚樓

賀正修

字洪升臨海諸生

游茅庵

僧居晝掩扉一徑靜斜暉夏近筍初老春深花欲稀茶香消
宿酒石氣透征衣安得塵鞿解朝朝坐翠微

陳誦芬

原名榮字耦香臨海廩生

陳琦曰君家本素封以慷慨好施有小孟公之稱卒罄其業晚年至以課徒自給遺詩曰幻夢居小草多悲涼感憤之作

雪中書悶

擊碎牀頭玉唾壺千金散盡有窮途不如且覓鴟夷子煙水
扁舟泛五湖

沈

懋字子宜臨海人

東湖春望

一湖春水碧泠泠
橋北橋南幾度經
屈指芳春餘幾日
菜花香到水心亭

題茅庵

夕陽山色好隨步
上香臺簾捲雙峰翠
門開一徑苔鳥聲穿
竹去花影過牆來
相識林泉伴三生老辨才

陳學欽

字守典號愚谷天台恩貢

天台詩存愚谷為邑名士門下多才郡守劉公瓊稱為三台人望邑率下車率先敬禮之然恥於干謁細非分之財介然自守故其品愈重

秋日遊茅庵遇雨宿天柱峯

客行不覺遠秋雨
忽連緜古徑堆黃葉
空山鳴夜泉鐘敲殘
夢醒花抱冷雲眠
我亦如蘇晉趺跏學老禪

袁槐生

字先輝號樞溪天台廬貢著團雲室詩草

天台詩存樞溪文才敏捷人或求碑記序傳對客揮毫文不加點各如其意以去時輩賢之

村居

領得田家趣柴門盡日關小橋低跨水落日澹銜山放鴨前溪近呼牛隔隴還桃花三兩樹仙境在人閒

徐鏞

字友笙甯海人著紅巖山房初稿

鮑淦序畧徐子友笙詩不苟作如憶母哭弟讀戰國策裂毗吟苦旱行苦耕行皆據寫性情有關世道非徒工月露之詞也

秋霽

秋山新雨後四望淨煙氛曲徑堆紅葉高空捲白雲天清遙嶂出張落細流分緩步疎林外樵歌斷續聞

讀魏書崔浩傳

並世人才定論無苻堅也有管夷吾可憐禍患忘眉睫烏盡
弓藏亦可吁

鄭

燃字青藜蘭

緝雅堂詩話青藜重禮法好讀唐人詩雖在患難不廢吟咏避亂北鄉之穆澄源民團殺賊闖村被焚死之詩不多見僅得一首

亟采之以存其人
避亂穆澄源時民團殺賊甚壯

蟲沙太紛亂避地且忘飢滄海難安枕窮鄉見義旗更誰念
民命長自盼

王師那有王罷在干戈無已時

韋

濂

字慕周東陽諸生著文翰堂詩草辛酉在籍殉難卹贈鹽知事著音律考何洛考大學中庸闡義

清曠亭

秋鐙覓鷗夢春苔藉漁鞵極目亭外望翛然寄高懷

倚劍

豪傑處斯世禍亂思削平入山伏猛虎渡海驅長鯨手提青
萍劍慷慨投大營知己倘可遇吾心有精誠灑此一腔血不
為千秋名誓當清中原豈好艱危爭賦詩以見志夜半雙龍
鳴

戴

禮字筠軒遂安歲貢

吳敦傳畧君性孝友鄉鄰窮無告者常周恤之非分之
財一毫不取三衢六睦之士多負笈從之咸豐十一年
冬土寇踞遂安君以忠義激厲民團力籌防堵次年二
月賊眾至數萬眾寡不敵會省城亦陷于西寇君知援
絕無全理獨上梅塢之巔仰天大慟題
壁數言奮身投懸崖死時年七十有八

題壁詞

讀聖賢書志聖賢志求生害仁所學何事全受全歸有死無
二懸崖千尺肝腦塗地

洪自含

字子泉遂安貢生

杭郡詩三輯咸豐初元設兩浙節孝採訪局於敷文書院明經實總其事又勅建倉聖祠於南屏山下同治元

年 詔各直省督撫薦舉賢材撫部今爵相左公疏陳洪某甘貧

守正勤捐善舉皆有寔濟奉旨加光祿寺署正銜年踰六十卒於會城

自勵

髮雖白如雪心尚堅如鐵有志未竟成欲休休不得去日方
苦多來日已苦少因循不自勵殘年坐枯槁英英有時彥丹
丹度好春凋殘紛滿目塊獨存吾身人以此灰心我以之勵
志生世存一息戒在不事事

鄭夢江

字雪濤樂清歲貢

記夢

蓬萊在何處託夢到僊家有客跨黃鶴招余餐翠霞酒酣邀

海月人靜落松花欲返尋歸路煙雲繞水涯

黃夢香

字子與號崑南樂清人著草草廬詩鈔

朱壽保曰先生少有異稟長肆力於古文詞居小樓羅列書籍寢饋其中意有所識於詩發之為人伉爽尤篤

友誼

履霜操

父兮母兮獨不念兒兒罪伊何兒胡不知兒生不淑罪當放
逐朝履嚴霜暮宿空谷悲風蕭蕭仰天號哭兒獨不歸云胡
不悲兒飢何食兒寒何衣芰荷不暖棹花終飢父兮母兮豈
不我思維鴉反哺維羊跪乳兒何為兮生死不見母與父瞻
望門閭日暮愁予念彼鳥獸兒猶不如

記水灾

咸豐三年夏歲運值艱否乾坤吾父母不復念厥子日月有

薄蝕大地震遐邇熒惑復入斗災變難屈指五行行疇範厥
咎惟大水于時方恆陽一雨乍可喜旱魃蹤始潛餓蛟口忽
哆卜云月離畢滂沱波涉豕黃河掀欲翻天漢瀉未已漸漸
沒廬舍浩浩靡涯埃其銳孰敢當厥狀窮方比如排干鐵騎
衝突無堅壘如疊萬雷鼓霆震魄爲褫海若挾馮夷角鬩弄
奇詭曩鳳連六鼈負山輕于楮餘勇壓重城一掃空百雉吾
生斥鹵鄉背山憑碣礪壑盈苦艱洩洩乃不能駛怒鬱氣益
張川陸厭吞噬我欲補漏天恨無女媧氏牲玉旣告罄蘆灰
淫莫止皇天豈不仁號呼乃充耳羣黎足顛沛神明蒙詬訾
性命良自愛求全無全理但許骨肉完飽煖敢挂齒汎舟試
求粟作帖聊乞米有米仍無薪摧燒及槃椽望望煙火絕溝
填壑同委生者息或延逝者難亦被漂流干樁櫝析裂萬骸

皆冤鬼無故新劇痛入骨髓繞倖水歸壑禾耳穀成秕食爲
民之天無天民孰倚眼前瘡莫醫後患定何似澆漓泥成俗
苟活寡廉恥寇攘終就拘血肉盡鞭箠吾聞天灾行半由人
事致可知造化心用意良有以艱危警逸樂安見非福祉大
哉吾

皇仁浩蕩回議擬有

詔劇哀痛格天方罪己斡旋手橐籥明命廛顧諟調元變陰
陽陳條立綱紀會見禎祥徵屢豐自今始風雨皆甘和吾將
歌喜起

董

暉字又霞秦順貢生

盧贊周序畧先生負奇氣博極羣書與伯兄小霞明經
皆以詩鳴世其家學數奇不偶歷游燕秦楚豫懷人平
古激昂慷慨情見乎詞歲已未就湖北學使俞公之聘
會逆氛猖厥留滯武林庚申三月城陷先生罵賊死伍

公山下寇退居停收其屍猶如生袖中存詩數卷
卸贈雲騎尉世職

壯志

男兒懷遠畧壯志肯蹉跎世道今如此吾生定若何迂疎經
事少貧賤負人多苦爲年華感臨風發浩歌

馬恩黼

原名廷樞字觀光鄞人同治甲子
順天舉人揀發知縣著篋贖詩鈔

海市詩用東坡登州海市詩韻

樓臺縹緲凌虛空倏隱倏見煙霧中往來人物兼車馬蒼蒼
水氣盤鮫宮昔聞登州有海市欲寫真相無畫工可知乾坤
毓秀氣池中豈久藏蛟龍激昂擊楫中流渡我欲翹首問碧
翁波濤涉歷仗忠信是何意態傑且雄世間無地無幻境其
中百變安能窮觀瀾盪胸豁心目浪花細蹙風和融層層翠
阜結空際沐日浴月靈寶鍾四時禱祭荷神佑雜黍報賽品

物豐海不揚波鸞帆落扶桑初旭鉦挂銅會當穩踏六鼇背

前程萬里乘長風

趙家薰

字瑾伯號香如慈谿人同治乙丑補行辛酉壬戌科舉人官戶部員外郎

孫德祖曰余以鄞慈谿志事久于甬上徧交其英儁惟

瑾伯稱莫逆瑾伯弱冠登薦銳意經世之學而篤于內

行以尊人晚感風疾究心醫藥不復為進取計父歿撫

庶弟五人皆至成立心力為之瘁年甫及艾遘疾而卒

生平重氣誼而愛人以德意所不可不憚面折其過至

于有無緩急有聞必赴為謀必忠以故朋輩胥愛而敬

之以少余一歲兄事者三十年無間丁亥判蘊遂隔人天可痛也

余嗜酒而好直言寄龕常以為箴且手鐫口可以飲不

可以言小印見遺曰必不得已其慎言乎占此為謝

百歲幾人知己十年于我忘形惟君能捫朕舌逝將長醉不

醒劉伯倫方作頌磨兜堅亦有銘多謝他山之石吾其守口

如瓶

王毓辰

號振軒長興人同治丁卯並補行

孫德祖曰君為余鄉舉同歲生性靜退不樂仕進自致
取教習期滿以知縣用即里居不復出掌教若溪有年
課士外絕不與聞外事令長之室非公不至即前此學
官歲時一絕不與聞外事令長之室非公不至即前此學
示詳盡由是過從日密相見惟講求教學之方無益之
言不以挂齒類也見贈四言四章言近指遠足當弦章
眼中遂無此人孰與聞吾過耶

題手寫山水即送從子承湛試禮部

結習登臨老未刪看花有約十年還一鞭風雪消魂劇爾上

長安我入山

四言四章贈學師孫寄龕同年

人亦有言立善惟師老而不教人莫之思

我之懷兮惟桑與梓四民孰首濟濟多士

若溪之水其流湯湯亦既濯之暴以秋陽

夕惕若厲幹事惟貞陽居大夏應在由庚

孫琥銘

字榮聲山陰人同治丁卯並補行甲子科舉人官工部主事

孫德祖曰芭生同年家水偏門外居湖山之勝臨水高樓傳為放翁快閣故址退宜先生署其眉曰觀稼余嘗侍先師曹夫子及同社友攜酒過之芭生性豪邁不受羈勒登薦後以資郎困瘠燕市以終今故居亦易主矣

夜集紫藤書屋書感

紅雨香飛曲徑斜不堪重問五侯家風來庭院平安竹春綉
樓臺富貴花三載行蹤隨燕雁六更繁響鬧蝦蟇何時重剪
西窗燭把酒高談與未賒

呈王蓀甫太守時方率師規復郡城

擊筑徒聞慷慨歌山中歲月總蹉跎小儒漫鬪春風筆壯士
期揮落日戈快睹一番新宇宙好收半壁舊山河君家自有
樓船在知否蒼生屬望多

葉枝玉

字桂山青田人同治丁卯並補行甲子科舉人

褚淵

白眼王敦復轉身清流齒冷到干春名高不作中書死更負

黃襪賣與人

經陳同父故里

大有江山助文章虎氣騰萬人推國士五論決中興通德談

先鄭夷門憶信陵驪塘苦語在應惜此良朋

蔡燕綦

字子綬黃巖人同治庚午舉人著盟水齋詩鈔

天姥寺

一徑入深竹翠痕涼上衣亂峰圍敗壁獨樹倚危扉寺老僧

俱古年荒佛亦飢磬聲何處落片片白雲飛

吳

誥

字子洛號幻琴錢塘諸生著犀香館詩存

許滄祥曰子洛年文工書畫又精篆刻得丁蔣奚黃筆
 法有蘧廬印譜行世善倚聲有織嫵詞六卷未稟餘事
 作詩清新俊逸直追古人性孤潔少年喪偶鰥居終身
 子大受躬自撫育由童穉以迄成人不離左右教養兼
 至乙酉登賢書
 丈猶及見也

觀潮歌

西風獵獵長天碧萬馬奔騰六鼇策靈胥憤怒鼉虺遙界破
 青山一痕白萬人鼓譟懾吳儂蟄雷殷殷走蛟龍上搖天關
 下地軸倒排山岳頽銀峯碎匄一響陡卷雪岸上齊觀人結
 舌素車白馬大夫雄霹靂聲中電光掣初看隱約與有無再
 看白練來須臾甲兵百萬動蛟窟蕭蕭夜雨戰寒蘆有時明
 月照孤嶼雪山萬疊舟人語重門不閉夜中看豪情未讓乘
 槎侶昔聞犀弩射三千神明貫日誠格天畢竟馮夷射不死
 大江風雨自年年

新綠

莫怨春陰久滯淹
四圍山色藻梅炎
香生紈扇痕猶膩
夢鎖蘼蕪暈尚黏
金縷曲裁初擫笛
碧油車過乍開簾
誤他鸚鵡洲前客
何處山村覓酒帘

珍重東皇暗著鞭
好將春緒託芊緜
連宵風雨清明後
滿目鶯花上巳前
衫子有痕疑漬酒
鬢絲無恙又經年
待看喬木成陰候
濃蔭干章覆處圓

王以湘

字穎繁號亦帆仁和諸生

楊葆光曰君伉爽有奇氣髮逆據杭郡妻子死事甚烈
同治壬戌君由滬渡江與余聚於通州既復銳身航海
徒跣訪求父耗會復得父死狀遂嘔血卒

許淮祥曰余與亦帆不相識同治紀元在南通州於范
君厚庵處讀君此詩錄副弄篋行三十年矣去歲閱古
韻蘇盦詩集有樓君一絕云無數飛鴻集澤哀翩然一
鶴海濱來全家俱化萋宏血劫火摧殘蓋世才並敘君

行事一則為歎息久之今在采
訪之役亟登於錄以存片羽

九日登高

滿階梧葉一吟身不孑登樓倍愴神海國驟涼秋入暮天涯

羈旅客多貧途窮愁對黃花酒世亂難忘白髮親手把茶莢

問今日要儂底事健風塵

高 灑 原名同雲字紫卿號夢英
仁和諸生著臥雲山房集

孫灑序略紫卿長余十年與同補弟子員時當寇氛之

後與試者率皆髻年怪君年長詢知君初赴童試纔十

二歲列前茅不終試蓋以母病籲於天願終身不求富

貴利達錫堂上遐齡茲來赴試猶迫於母命也其後并

歲試亦不起遂除名母終以毀卒嘗手錄全唐詩而丹

黃之其寢饋於詩深矣古文詞賦亦皆有名家氣息抱

才如此而不求表見如此

天馬行

漢武帝冠寵李乃敕貳師為將軍提兵深入大宛國名駒汗

血徵調馴同行二十四萬士頭曼可汗駭欲死盡輸善馬圖
國存飛輓輪臺驟難止玉門關外將軍還宛馬曾無血汗斑
封拜海西酬宿願明堂受賀喜天顏帝謂茲功古來寡偃伯
靈臺告宗社新儀創立奉常卿舊樂重翻譜天馬天馬曾傳
產澁注只需羈勒謝鞭撻璇臺不數雙龍駕瑤水休將八駿
誇一例龍媒不輕見鹽車遮莫愁淪賤上林苑裏豢經年乘
騎人在昭陽殿昭陽殿裏花謝凋蓬萊闕下仙逍遙天子欲
南馬欲北泰山爭似昆侖高天馬雖知故鄉道帝心愁見邊
城草廩中有馬卻如無伏櫪叨恩給芻藁嗚呼天馬宜長鳴
長鳴才力何虛生來時旣逐將軍到歸時還共將軍行將軍
汗馬馬汗血茫茫萬里貳師城

擬李白烏夜啼

愁人夜起燈欲殘城烏夜嘯棲未安嘯聲似怨寒太劇空闌
獨念關山客鄰家有客曾遠行分明昨夜聞刀尺

擬賀知章送人之軍中

願將身許國莫問志封侯世亂殊未已送君誠可憂朔風常
不夏邊雪獨交秋毋信成功易徒誇食肉謀

黃福珍

字寶儒號保如仁和

許淮祥曰保如長身玉立天姿穎悟讀書過目成誦十
五歲丁寢難洗離轉徙遂輟學尋以父病效儒門事親
購方書究醫理踰年精其術著活人方求診者踵接或
夜半叩門保如無德色無倦容或酬以金不受也嗣以
府同知需次津門大府才之屢使獄多得其情以長
于聽斷稱能吏善畫蘭工篆刻閒為小詩亦新穎可誦
父憂毀卒年未四十生平愛交游敦氣誼與余莫逆黃
子婦錢絕粒以殉今子開甲年十八舉于鄉後二年亦卒
邑人譚獻為之傳

曉行

征車緩緩一鐙移正是星稀月落時斷岸有橋危若病疏林
無葉立如癡異鄉歡會皆愁境同調新交卽故知咫尺京華
家更遠白雲親舍最相思

查世溥

字客查海甯諸生候選
訓導著師竹齋稿七卷

中秋席上

明月自終古觀者各殊情我經大難後對月彌愴神矧今是
佳節團樂一輪盈雖盈亦旋缺天上易轉輪如何人世苦飽
繫甌海濱故鄉渺不見千里心怛怛主人酌我酒槃盞羅羞
珍負君殷勤意願茲暗聲吞三爵且不醉投牀眼仍醒此時
思故鄉并難將夢迎

故鄉卽返我安有今夕酒對月把空杯樂事亦何有胡爲桑
梓念時時去左右詢之應語塞非關箝我口雖然各有情天

涯莽迴首試看此邦人老死衡門守怡怡兄弟樂如足而如
手團團夫婦懽如賓亦如友爾輩視尋常好景或虛受一入
羈人目對渠呼負負

武成

力掃欃槍盡中興世運新乾坤虛著我豪傑豈因人多少煩
冤語消沈碧草燐長安高閣待幾輩畫麒麟

同人集飛霞閣卽送錢子密京卿

應溥

赴濟南戎幕

石城賸有飛霞閣觴詠從看一輩豪人已餘生同雪涕地當
六代例風騷斯文木鐸聲重振時移府學新建於茲人市銀刀價尙高
鱣魚獲投筆輸君佐戎幕捷音早晚報吾曹

張鶴瑞

字儷琴海甯諸生著慕親子憶存草

錢泰吉日君為荔園先生文孫孝友克家鄉鄰稱頌歲
癸丑余與君居比鄰見君處家雍睦待物和平以砥行

教子弟訓生徒講解必發明孝弟
二字每至泣下由是益器重之

懷家春垞姪

昔者餽良藥沈疴爲我起自非痛癢關尋常那得此阿咸才

藝多不獨明醫理胡不永天年一奏醫國技至行幸不沒姓

氏著青史春垞以孝子得旌於朝迄今過故里人稱張孝子

戴熾昌字爾賦海甯諸生著聽鷗山莊詩草

許莊祥曰爾賦性豪俠家於東湖之南有花木竹石之勝晚年家中落不能治生產卒以貧困死

烏鎮道中

蘆花白如雪不見鷺絲拳岸缺田通港水高橋礙船秋陰兼

日瘦詩夢隔煙圓漸覺新寒警江村販木棉

查仲誥字作舟海甯人候選布政使經歷

南唐宮詞

西河車馬系金不
卷一
六
文
璀璨懸黎寶佩垂
鑪煙香細裊游絲
南昌春豔金荃譜
北府聲翻玉樹詞
尾燕飛來憐赤鳳
頭魚救賜近丹螭
紅羅高詠珠塵暗
雉扇雲開動翠蕤

讀郭璞傳

梓桑翦伐作龍荒
預識金行晉厯長
隱現豆兵環綵甲
鏤鏑龜骨勝青囊
爲驚俗眼編山海
起逐妖人辟暨陽
荆棘秋風陵谷變
空傳鐘鐸叶宮商

盧友炬

字寶輝鄞人同治癸酉舉人大挑教職箸靜儉齋詩存二卷

擬陸劍南芳草曲

天涯二月多芳草
芳草萋萋春漸老
南湖細雨潤如酥
裙腰綠遍方干島
方干島畔踏青人
繡成羅襪襯香塵
東郊載酒西郊醉
蠻榼春盤處處新
此時駿馬青絲鞚
此際流鶯簧舌

弄送別青愁南浦魂題詩翠入西墻夢遙遙千里隔鄉關何
日扁舟一棹還東風如酒花如錦較綠量紅一味閒

苦雨

癡雲貼天天欲低朝朝暮暮飛溼絲絳和逃匿跋烏死小窗
昏黑如雞栖豈其女媧煉石補不密至今罅隙多淋漓不然
造物開天眼悲閔薄俗垂涕洟方今東作事正亟稻芽欲出
須晴曦胡爲十寒不一暴嘉種朽腐成塗泥來牟半熟亦生
耳無麥無禾民阻飢爲問九闔大開否吾欲排雲訟雨師

火輪船歌

於廓靈海蛟龍窟東連扶餘西窮髮

聖人御寓遐荒來艤艫巨艦通溟渤巨艦製自歐羅巴不用
帆檣用機牙木龍水馬遜奇詭五樓八槽空紛拏石炭通紅

鐵輪轉行舟，轉轉如行車。水能制火，火濟水。五行顛倒，驚龍蛇。天吳鼓舞，罔象笑叢。毆鯨鰐，翻靈波。波斯大食三萬里，迅疾恍似投金梭。於中備物更奇異，蚌珠鮫綃，昆刀利葡萄。美酒瑠瓊瓶，蠻歌咿唔，勸歡醉森森。矛戟軍事修噴煙，爇火饒戰器，礮礮一聲佛郎機。梅花紛紛落平地，我聞張貴駕輪饋襄陽。又聞楊太踏輪據湖襄，運之以火更奇絕。衝波遠覓煙，燄長要知形制縱靈妙，幸遇

聖世波不揚，不然大海多礁天。多霧未必便捷行，康莊天威震疊百蠻服，爾當謹敬朝貢莫漫矜騰驥。

適館

適館得賢主，可以厭梁肉。非不愛肥甘，高堂方啜菽。

牆外桑

離離牆外桑，乘春發濃陰。雖不見採掇，常存衣被心。

鄭福森

字嘯嵐，慈谿諸生，箸愛蓮吟。

左宜之傳畧先生性孝友，父母俱享大耄。先生先意承志，言不稱老。昆季三人，怡怡無間。言家寒素，乃節儉好施。詩直抒胸臆，不事摹仿。論者謂得高州的派。

白龍寺

探幽來古寺，仿佛小天童。花嶼千秋勝，菱塘一水通。山禽悅

初日，林竹引微風。擬叩神龍宅，澄潭涵碧空。

孔廣琛

字曉園，象山廩生。

蓬萊山尋陶宏景丹井

僊之人兮在蓬島，九轉丹成駐顏老。未從天上索瓊樓，且向人閒覓瑤草。蓬萊萬仞東海東，石色盡作流霞紅。南朝隱士此修煉，玉煙拭壁多蘭芎。千年去鶴不重返，遺井但有蒼苔

封我來策杖拾層級后氣氤氳繞衣入回頭但覺萬山空俯
 仰難容一瓢挹當年遷竈由青樟尤丸菌脯資為糧佛狸江
 壘火重沸託此信是華胥鄉鑿流洗藥石洞煮明月滿屋松
 風涼至今綆朽餅都墮亂礫纏蕪積砢礪葛鄉彭宅共留名
 耿拜瀧銘徒瑣瑣蒼茫弔古還鬱伊寄夢紅塵多是非何堪
 汲得清溪水但養荒園苜蓿肥

陳得先

字心齋又字贅人象山諸生著贅人詩集

陳得心傳畧兄性耿介接人極謙為文章必窮人所未發至構心疾而卒故其詩多懣殺感遇之作

說鬼

相違人世本孤懸為蛾偏教聚水邊聊任挪揄憐故智浪傳
 形影起重泉碧燐自取高宗伐青海終傷杜老篇不鑿前車
 勞檻載卽今麗日正中天

說劍

赫怒雷霆拜尚方倚天壯志鎮巖疆長才入冶鋒堪試雄辯
當筵氣吐芒策畫經權憑制勝分明恩怨莫韜光酒醒夢斷
中宵舞干結腸回百鍊鋼

鄭鏡堂

字光伯定海人著
雙結山館詩草

崆峒

碌碌何爲者文章苦未休已拌身似客那有夢封侯詞賦輸
司馬衣冠笑沐猴崆峒最高處長劍倚清秋

題畫

垂楊影裏亂鶯嘒草色茸茸綠滿隄一幅酒旗搖不定夕陽
紅過杏花西

百尺松杉護草堂小橋流水自清涼圍棋慣與鄰翁約蕉扇

芒屨坐石牀

郁

庚

字秋白山陰人
著味秋吟草

陶潛宜曰秋白性孤介貌清癯喜游山水工書畫搢閣
讀書不輕見一客遇貴人俗子避之恐浼嗜金石常於
廢刹叢莽中按得古博覽最多琢以為研古色斑剝羅
列几案尤喜畫蘭竹下墨瀟灑詩亦疏秀幽峭年逾三
十竟卒

箬簣山

孤權度東郭一水沿衣帶朔風生纖鱗山勢出奇態突兀欲
趁人宵冥忽若晦橫互氣鬱陶刻劃始何代天然大斧劈高
張成圖繪兩壁奇更奇參錯意還對信手堪閉關巧思作闌
闌險非劔閣匹雅為曹山配高瀑懸天紳空響荅人籟餘石
亦磊落芳津折從背或如樹塞門或如獸求隊山骨排巒巒
虬枝放根礙寒意蓄潭心疏磬出山背扣舷發高吟恐觸老

龍睡

城南別友

跨湖橋下波如錦
秦望峯頭日未斜
如此江山留不得
滿城吹落碧桃花

送趙肖山之滬

握手江亭暮殘春
細雨中落花如送客
輕燕不禁風慷慨
倚長劍飄飄擬短篷
側看西落日愁盡
海天空

遲陶文冲孝廉不至

海內忘形容詩中老
霸才昨因江鷺語誤
我草堂開得句空
題石臨江獨舉杯
憑誰同歲暮幸折一
枝梅

孫銘勛

原名寶善號滿軒琦曾孫山陰廩貢官福建候補縣丞

孫德祖曰萬軒為余從祖兄懷方遺腹子先大夫以其祖母陸母陳兩世節孝且與不肖生同歲甫十齡即招

之就不肖同塾從曹文儒師游最久經難家毀不
竟所學年甫四十伊鬱以物錄其遺詩為之泣然

小坐

小坐園林酒半消竹風荷露正清宵何人也解憐明月媿傍

牆陰擬洞簫

丙寅除夕立春

敝裘容易又殘年身世難論欲黯然聊向春前乞利市滿斟

清酒酌寒氈

施山 字壽伯號望雲會稽人

倪文蔚序畧壽伯於詩出入騷選下逮唐宋有明及
國初諸大家皆得窺其奧竅而自負其獨盛之氣霆驚雲

涌浩然莫禦幾欲凌轢一代然縱橫曲折未嘗軼乎繩
尺之外至其奇思所及往往出人意料而本之性情則

又人人意中所欲言且似古人亦未嘗言也
其實人人欲言不能言古人亦未嘗言也

陶濬宣曰君童年落筆已驚長老早棄科舉之業侍親
宦游初客大梁久羈楚北治法家言以筆耕為養中更

兵亂所歷多艱窘而用志不紛於詩無所不學尤專精
杜陵不僅得其皮骨監利王柏心贈詩有禹穴稽山昔
少年能爲忠孝杜陵篇之句尤長於七古意不肯諱語
不肯弱莽莽蒼蒼維筆揮霍每狀忠孝貞烈之事能使
鬼雄烈魄跳躍重泉磅礪紙上君爲吾族家之所自出
以自少客外久不歸缺而於生前錄詩於身後亦畧以
釋吾恨矣

春日歸自陶堰

百花與孤客雨裏過清明野港生春水江颿帶晚晴漁歌煙
外杳雲勢鳥邊平不覺柴門近牆東老樹迎

懷忠詩十首 錄六

安徽巡撫江忠烈公 忠源

廬州民迎巡撫壺漿夾道歌黃父蒼頭負弩童牽衣手拂南
昌城上土公守南昌如鐵鑄賊憚威名必疾去突來悍黨十
萬人六百飢兵賊何懼城頭凍霧天淒淒鼇翻地穴獐綠梯

湛然冰雪古隋水拔劍下斫鯨與鯢嗚呼睢陽掘鼠外援絕
死守殘疆五十日蛟飛白雨江倒翻虎吼蒼崖石橫裂猶聞
截賊義衣渡百戰英風至今烈

湖南提督忠武公 塔齊布

塔公羽林雄肅肅下金殿頭上風飄孔翠冠腰間霜厲鷗翎
箭湘潭大敗金田賊繡袴紅巾日奔竄我公如神賊如鬼威
攝游魂敢為變青山陷陣奪稍歸五老峰頭夜雷電星官仙
伯下層霄玉袍金甲開生面龍趨虎拜麒麟舞嶽動山搖銀
海眩九江月黑大星沈萬鬼歡呼百靈恨 青山大戰解圍公力已瘁越夕圖克
九江令將校作天神狀將校嚴裝入肅公忽心悸薨嗚呼耿將軍血甲裳狄武襄銅面
戰我公辦賊尤廉悍前年弭棹潯陽江公神赫赫邈雲漢

浙江甯紹台道羅忠節公 澤南

羅公儒而武赴難何奮激湘鄉一呼子弟出靜若春風動靈
靈衝堅力拔二十城經師人師萬人敵平生未講武七經二
十八宿羅心兵鄂州城頭賊礮動考終不及王陽明公豈視
命鴻毛輕此地要與賊死爭君不見楚疆天下之胸腹舳舻
可南馬可北偏安割據亦屏障三國已還重逐鹿孤軍仰射
黃鵠雲託詞持重非王臣東南半壁今恢復功册嚴扃武漢
門

江蘇候補道前六合縣知縣温壯勇公 紹原

温知縣天下聞守六合凡六春大江南北無二人 凡城池受

至數年而陷者府則湖州縣則六合守至二三月得援兵解

圍者省則廣西湖南江西府則懷慶縣則棗陽固始而已

以火殺賊水殺身祝融既疎河伯親江雨猶過龍池雲九原
今日精靈聚前是同官後妻女金戈鐵馬已銷沈淮海騎鯨

笑相語

龍池公播賊處城陷率宅眷沈江總兵官羅玉斌知縣李守誠等同殉節

浙江布政使李忠武公

續賓

忠武人中龍飛騰出江漢布衣累級開方面魁梧軀幹真異
人叱咤風雷六百戰已張撻伐安全楚誓掃東吳澄禹甸三
河金鼓陷重圍一劍風雲慘奇變臣塗肝腦何足惜國仇未
翦空遺恨九原隨會至今悲夜郎金馬猶傳箭君不見
先皇有詔哀申甫

天顏泣雨蓬萊殿

福建糧儲道湖州趙忠節公

景賢

銅馬馳我前青犢闖我後鐵脛我左赤眉右蚍蜉蟻子斷我
援貪狼狼羊撓我守干總某開門責我疎防非我咎我官非
官民非民一奇男子賊識否嗚呼殺身更烈柴市叟孤城力

障一年久南斗北斗南舍我趙公更誰某

讀史

負岱襟河碣石雄東方千騎鈍追風海南金幣曾彫耗天下
車書有異同誰道朱崖甘自棄可憐魏絳善和戎當時抗疏
勤王急諸道旌旗在眼中

徵釐金

徵釐金徵釐之人持鐵籤公家法寬私家嚴十罰百罰何不
廉朱旗颺風卓江口沿江無局無官守局中有人伸其手日
數釐錢指繭一錢厚

裁練勇

承平百年兵制倣懸金募勇勇圖利比年卒稟數逋懸索餉
爲名輒爲厲勇乎欠汝三月糧且發一月還故鄉汝曹衣食

甯不苦

國家今日無帑藏他營豎旗更招募日久欠糧復如故

張文忠墓

華屋猶存世代殊遼宮鐘鼓歎誰居恩流天下蠲租日禍伏
經筵侍讀初扶翼朝廷原不忝衡量功罪果何如今看石馬
松濤下鬱勃斜陽怒有餘

荆江渡象行

君不見緬甸荒荒萬餘里包茅入貢有常例兵戈阻絕二十
年已喜梯航達燕冀荆江夏漲與海同七象後渡波濤中漂
搖浩蕩乘長風顧影崢嶸何其雄鼉山日射珊瑚赤鯨浪壁
立琉璃空蒼鬣側目鯨鹿避怪事或動蛟龍宮一象驚疑欲
奔突中流不受蠻奴喝回頭似憶金沙江兩岸蒼茫無此閭

江邊少年詫奇觀真有巨物生人閒今日耕牛昔戰馬限見
百獸皆等閒黎西獅子不常獻天上麒麟更誰見象兮汝往
金階旁虎豹天關當色變吁嗟乎薦拔除非故主賢老死狝
鳥蠻花邊

駱炳燦

字星河諸暨人湖南候補通判著楚游草還雲館襟識

孫德祖曰君以諸生仕爲花市巡檢俸滿例遷直隸州吏目游升知縣署衡山令有惠政罷去抵無錫聞鄰舟楚人談舊事感賦一律有已覺臣心同蓼苦愧聽眾口說棠甘句足徵襟懷不愧循良也

寄從弟琴坡

五十始衣帛七十始食肉此風或難追要當守其樸今日饜
膏粱當年艱齋粥惟儉可養廉知足乃不辱毋將有用財揮
霍供嗜慾莫以行樂身飢寒忘宗族我方枳棘棲家無升斗
蓄每飯常淒酸連枝有榮獨何以慰先靈與弟共相助

宦途本崎嶇所戒在躁進順固安其常逆當聽諸命否則巧
鑽營登場誇捷徑豈云才力優所凭氣燄盛卒至同輩忌抨
擊互伺偵一旦失因依棄置或流迸徒令旁觀者袖手資笑
柄欲勝理則危名淡志自定所以古君子不屑事奔競

禱雨偶應賦示士民

三升乞得官倉粟十日禁斷屠門肉亢陽天氣悲枯槁謀食
生民傷刺促窮村老農更辛苦八口嗷飢守茅屋朝陽盤車
戽水歌夜臥荒郊仰天哭代民乞命敢辭勞竭誠爲向冥冥
祝果然造物沛甘霖一霎迴黃盡成綠滲漉終朝土脈蘇入
夜翻盆喜沾足行看高壟插青秧應免窮年掘黃獨須知帝
德本好生呼籲豈真感應速吾儕莫漫貪天功更種心田惜
餘福

十日舟至金陵卽事

十年蒼赤苦流離沈疾當憑國手醫
元老能消新劫數漢官重見舊威儀
萬家煙火餘荒竈六代江山認斷碑
遙指龍盤形勢好將軍猶自擁旌旗

舟中對雪感懷

低斟淺酌屬誰家錦帳春溫莫浪誇
我是相如剛病渴攜來雪水試烹茶

唱和誰爲詠絮才天涯隻影自徘徊
故園應惹梅花笑十載何曾踏雪來

翟

翹字煥有號夢生臨海廩生

陳璠曰君父戍塞外及翹徒步數千里負骨歸有異蹟人目爲翟小孝子蓋其曾祖宗璜世所稱翟孝子者也

江邨秋晚

雁陣聲寒夫地空暮山幾點有無中蕭疏籬落菊花酒冷淡
人家鱸膾一櫂漁舟秋水碧半江楓葉夕陽紅清光萬頃
誰為主箕踞苔磯羨釣翁

翟

飛

字煥新號凌雲
翹弟臨海廩生

陳瑀曰君七歲割臂療母
病人稱崔氏世有孝子

寄蓼生家兄

脊令飛且鳴原上相追逐胡為我二人東西自棲宿疾病不
扶持誰為調餽粥不見田舍郎兄耕弟為牧朝夕共依倚
賤飽菽粟

葛鳳喈

字師竹臨海增生著
綠陰室詩文各一卷

陳瑀曰君隱居教授力行忠恕門下數百人皆能勵名
行不失其教同治光緒初兩舉孝廉方正並力辭不受
學者稱貞
惠先生

赤帝子

碣山鬱鬱紫雲起寶劍出匣白蛇死龐眉隆準爾何人云是
炎精赤帝子吁嗟乎赤帝子胡爲能斬道上蛇不斬宮中雉
雉啄皇孫劍飛去蓋世英雄困牀第吁嗟乎赤帝子

阮尙材

字子笙又字粹
生太平歲貢

同社約舉重九登高會分題賦詩

日月雙丸過客忙乾坤莽莽幾重陽自從桓景登山後誰見
神仙費長房

曹汝升

字次寅太
平廩生

月湖泛舟

放舟出官塘長宵闕秋景一詠復一觴疎林逗微耿波光遠
明滅露氣餘清警姮娥雲際來照見詩人影

林慶衍 字祁生用光

朱壽保曰慶衍父若衣母項肅人皆能詩淵源家學
偶儻有奇氣詩學昌谷義山才情橫溢惜不永年

書唐莊宗本紀後

鵝翠后盤拜賜還三垂崗下陳雲寒燕梁父子堅城下唐晉
興衰樂器閒告廟黃羊渡汾水郊天白馬上雷山可憐黃甲
軍前火夷滅降王血未乾

論墨絕句三十二首 錄二
十首

三輔隄麋久已亡銅臺萬斛委清漳濟源王屋圓規絕宣歙

名家始濫觴 見宣城麻
三槐墨志

諸奚老徙不知歸易水官亡法遂微曠古奇珍今並絕中山
兔穎亦空肥

麋月龍團久邈然福庭東閣亦雲煙張 廣濟張仁麻
熙張長仁麻
宣城麻
三衛

一目如瓌寶已共唐經宋硯傳

近日本尚有唐絹本佛經

卓犖文人好古心殘煤斷麝強推尋成宣遺器寶銅盡誰似

流傳數笏金

隱約斜紋似斷蛇程

孟陽吳去

餘韻亦名家蕪山風烈長無恙

一墜盆池豈足誇

奸雄好事亦殊人聽雨荒樓幾度春他日冰山書畫錄還應

物色到龍賓

鈐山堂墨都中錫氏藏

銘背蠶書號放言東林正氣凜然存寒更草疏真千古鐵硯

於今有並尊

放言居士墨黃中張所藏居士為東林黃正真見張仁熙雪臺墨品

仙居應氏舊清門巨錠流傳到子孫裏藥雖殘枝似臂諸奚

風範賴猶存

仙居應氏明尚書應大猷之後也藏巨錠其長盈尺其子孫嘗碎以和藥徐常侍得李超墨其

長盈尺或其遺製

黃巖朱氏好收藏白墨如規色正蒼一翦波紋形似楮千金

拱璧價應當

黃巖朱氏藏墨類多內有古墨其漫銘曰白墨

易水松煙古擅名

聖朝重復貢

西清宣和蘇合金逾貴豈似

幾餘格物情

儀徵相國富珍儲親製輕煙進

殿除上對

三天諸貴品還同

四庫未收書

秋壑藏書滿故園風流並世遜魚門君房子魯今無睹安得

孫翁細討論

牧仲高風未可追近來荷屋亦耽奇官齋充壁多精品神往

春正試筆時

吳荷屋於元旦臨九成宮自記所用皆明時墨

堅脆全資一擊分博浪豪客運風斤易田干杵稱多識更與

先生補軼聞

墨之入範也壯士執大椎一擊便成再則被碎不復成其堅脆視擊者之強弱焉

黟川石墨色如銀持比青螺可亂真鄴尉久徂誰著錄山靈

猶自感沈淪

物力中原有盛衰藏煙已絕舊松蕤書生別有傷心地磨墨

磨人豈足悲

舊墨工藏松煤至十年始以制墨近隨燒隨售故無佳者

親見宣和院畫來銀光照爛淨無埃國工原有句輪法蹊徑

焦濃論未該

萬樹煙松影倒披浮沈雲海性含滋老奚何事窺天巧除卻

黃山無此奇

黃山出雲每子午時輒滃然滿谷不以晴雨異松生其間日受滋潤故其煙潤澤有光彩他山

無之

龍香麝腦久羈孤長物流傳其父書憔悴孤兒衣似雪空揮鉛淚對蟾蜍

弄筆窮年事未終斜行醜拙率恩恩黑松仙使應知我持比荆公同不同

秋感

漢德今綏遠賓王重狄鞮江東方養虎列國共栖雞賣塞田疇策乘槎博望迷何人飛食肉校尉玉關西

征西逾十載飛輓竭徵求始覺鯨鯢翦翻深鷓蚌憂窮邊通北戶穿井出涼州遠患何當已元戎且白頭

極目黃河北天災近未涯斯民孤涕淚

聖主慰創痍秦德非輸粟陳謀意厚施聞開武功爵長策僅

如斯

上相親開府長城渤海中
旌旌等分陝鐘鼓爲和戎
大禮虛前席殊恩受賜弓
繞朝非不用謀未異羣公

秋葉下庭柯蒼茫對酒歌
民生苛政急國病倒懸多
齊欲魚緣木王詩雉離羅
杜陵憂思集北望意如何

詠史

天生驕子狼如羊漢室方謀建
朔方鑿空頗無張博望長鞭
難制二賢王錦衣持節誰遮護
殺馬椎金且陸梁安得三軍
廉恥將莫教寶劍有資裝

詔習黃頭擊絕邊昆明築後已
多年未聞楊僕樓船將幾竭
宏羊水府錢上苑鹿皮稱重幣
流沙龍種失真傳蹶張原自
多長技楛矢何須貢殿前

王

璜

字和生上虞歲貢光緒乙亥舉孝廉方正

谷肇寅曰先生內行純篤好讀宋儒書閱事吟詠
耄年終日危坐足不出戶融會性理其功至矣

舜江晚渡

夾岸青山江水肥渡頭暝色上征衣春潮暗落海門遠綠雨

初來津樹微柔艣一聲驚雁過短篷三尺逐鷗飛紅牆明滅

炊煙外指點靈祠孝女扉

蓋水秋漁

天光湖色淨琉璃閒看青衫理釣絲秋水纔添新雨過渚風

微動夕陽遲斷荷浦外竿雙影疎柳橋邊槩一枝軟笠輕蓑

隨處好何人重譜志和詞

屠

鑫

原名釗號小園仁和人光緒丙子舉人著冰壺玉鑑樓詩文集

夏敦復曰舅氏幼穎悟讀書日數行下外王父西園公
奇愛之辛酉之變城中擢盡大吏勸紳富出粟餉軍舅

氏盡出藏粟數十石與之外王父捐館舍季舅尚幼舅氏教養有方卒以成立今已有聲庠序矣

柳洲柳

楊柳洲邊楊柳垂東風披拂乍舒眉橋晴有絮隨流水路曲

無人賸古祠煙影輕籠清晝辭絲痕低颺夕陽遲好攜柑酒

聽鷓鴣語小立庭前獨賦詩

孫詒燕

字叔芭號翼齋衣言從子瑞安人光緒丙子舉人候補內閣中書

禹城道中卽事

新麥不盈尺燕齊殊苦飢劇憐中谷歎孤負上辛期空望爲

霖雨何勞問肉糜我生百無補慚愧說男兒

隨侍止叟伯父謁孝陵和作用原韻

紫金山勢鬱崔嵬勝國幽宮冷翠微石獸宵寒頽闕在銅駝

草長故宮非

明大內國朝爲駐防城兵

江東無復鍾王氣

變後僅存午門五橋遺址

泗上由來有布衣麥飯一盂何處覓西風落日悵魂歸

送黃中弢紹箕渡海入都省親

北平形勢控山河燕趙由來俠客多別苑唱蟬淒玉露名王

遺壘泣銅駝清談夷甫仍揮塵壯志劉琨孰枕戈此去蓬萊

欣日近

中興新政問如何

陸鳳儀

字友三號韶九錢塘人光緒壬午舉人

吳慶坻曰友三福籍直隸景州本姓李父汝銓侍其王父虎臣太守宦浙庚辛之劫父佐趙公景賢守湖州城陷殉難時友三方襪祿開關轉徙孤寡榮氣亂定居杭依母舅陸異其英敏撫為子俾入義塾游庠登丙子副榜鄉薦後北上計偕紆道一省廬墓適陸氏已有嗣遂呈請歸宗議准咨浙前三日已歸道山未及見也

七夕詞

萬里秋澄庭葉飛玉露無聲河漢微靈鵲橫橋天欲曙綵鳳

乘槎雲半低迢迢碧海空無際紅牆隔斷雙星會憶昔凭肩
誓幾生畫屏銀燭夜三更雲母幌前花並蒂珍珠簾外帶同
盟翠縷縮成雙鳳結斜揭流蘇鑿明月明月空閨寄遠游洛
陽宮闕綺羅秋東南何處青桐院西北誰家碧玉樓青桐院
裏零寒葉碧玉樓前砧杵急畫榭看癡對語禽衣篝熏冷雙
棲蜨漏盡更殘悄未眠明河一碧嫩涼天人閒苦乞神仙巧
上界還留未了緣

吳懋祺

字鶴舫餘杭人光緒壬午舉人官定海教諭

將赴昌國留別餘杭諸戚友

攜家居武林惜與親友違歲時返鄉邑听夕恆追隨脫略見
眞性笑謔亦勸規時或通有無緩急相扶持方嫌會面少而
忍遠去茲家貧謀薄俸海嶠勞奔馳臨行設祖餞殷勤勸盡

卮良感君子情豈容以醉辭酒酣拂吳鉤肝膽知向誰

暫窩

署南顏然數楹葺之聊以款客客請顏其居余曰人生百年亦暫耳宦轍所寄暫中之暫也遂名之

曰暫窩

築室卜久圖胡獨以暫名有暫期有久萬古積暫成飢驅託冷官甚違松菊盟行當賦遂初本無久戀情暫可作久觀夢未南柯醒不然久亦暫宇內誰長生詩成示嘉客還坐談滄瀛

退軒

既葺南楹內室北向了無屏蔽又改爲之顏曰退軒稱吾志也

競進豈有極人苦不知退螻蟻逐腥羶坐使性靈味巧捷鬪機智毀譽任憎愛世途亦險巖營營復何爲不佞謝時賢守拙甘沈晦每作退步想冀免他日悔開軒玩物華晚花澹相對

顧錫慶

字酉生錢塘諸生官刑部主事

感懷

鞞鼓東來羽檄飛中原何日息戎機雁聲莫向瀟湘去多少

征人尙未歸

金

濟

原名重字仁士仁和諸生江蘇候補主簿著紉蘭草堂詩文集各一卷

九月八日醉後夜起口占

村居未聞漏問夜起翺翔風向宵來緊茶緣酒後香茅檐餘

落月籬菊傲清霜明日重陽節登高興正長

屠

鎮

字秉藩彝弟仁和諸生箸棣華軒文詩藁

夏敦復曰叔舅事親孝有卓識庚申之變邑人幸賊之速去以爲後無憂矣叔舅獨策賊必再至城不可守堅

請外王父避地因先詣甯波除館舍迎養復遷滬遷南通州卒免於難

可羨園觀菊贈主人頊秋伊

由來愛菊慣，句留身到名園。欲眩眸千首，好詩工寫照。四圍穠豔，不知秋羨君。占盡看花福，有約還須載酒遊。明歲分萸，容乞取幾枝，移種小窗幽。

毛顯誠

字子端，仁和附貢。著白雲草堂詩稿。

春日蘇隄眺望

一望暖煙碧，春風吹嫩晴。柳隄游騎控，蕙渚野鷗盟。山色四圍合，湖光十里平。鶯嘯花正放，簫鼓畫船橫。

陸亨濟

字禹門，號梁舟，海甯歲貢。著課餘草三卷。

居育馨曰：梁舟家貧，以教授養母為人。謹厚溫良，循循善誘，遠近爭聘焉。

寄懷毅堂弟申江

弟作他鄉客，兄猶故里居。自從三月別，又隔半年餘。世亂惟安命，途窮尚讀書。家山有齋粥，何日返衡廬。

褚

璣字仲衡號鏡溪嘉興諸生官江蘇補用知縣著退一步齋詩集

吳受福曰仲衡幼乘庭訓工詩嗜皮陸松陵集及南宋范陸二家

早起灌園有感

叢菊初黃野蓼紅
遶籬芳草尙茸茸
漫云長養凭人力
須信枯榮任化工
泉水出山休改性
嶺雲離岫莫隨風
蒼生祇竟蘇何日
澤物還歸霖雨功

邵王佐

字尙志號蘭生天台諸生

天台詩存蘭生古文頗有奇氣而行甚篤實卒後邑侯吳公輒以聯云光怪陸離見作者手筆和平中正聽士林口碑時以爲克肖其人

宮詞

春風吹紫陌正是燕飛時
試啟長門望苔痕上玉墀

嚴以寬

原名敬義字綬民號叔餘歸安人光緒乙酉舉人

緝雅堂詩話余嘗論牧之為唐代第一流人物世人但稱其詩且儕諸金荃玉溪之列真一孔之見也嚴生為余所得士題牧之集詩甚有識若與余合惜其蚤死不及在此君亭中商量詩事也

題杜牧之集

小杜談兵曠世才罪言三策有深哀紛紛目論誇詩好温李

詞人一例推

沈允章字孟牧號黼庭仁和人光緒

任壽彭傳畧君好博綜羣籍講求經世大畧開涉藝事書法蒼勁畫筆超逸詩律尤高渾非其意之所存不自

收葺也丙戌朝考一等用知縣分發甘肅未赴就平湖沈吉田方伯之

招渡臺灣道辛年甫逾壯未展其衷時論深惜之

雨後登雨花臺

江雲收宿雨策馬一登臺地有隋前塹花知劫後栽山河此

形勢幹濟幾人材誰作南州鎮

中興運正開

吳耀炳 字麟甫錢塘諸生

從軍行

少年不識窮邊苦要請長纓事征戍玉門一夕遞烽煙男兒
重義身輕許出匣霜明雙寶刀驍騎劣馬霜天高劇賊如毛
殺不盡戰血溼透紅錦袍長城流水聲嗚咽瑯弓弦絕羽箭
竭將軍一去不復還何日長歌入漢關嗚呼哉碧燐熒熒野
鬼叫古戰場空誰為弔我來釀酒與招魂天末垂虹雄劍嘯

吳士鍾 字毓峯錢塘諸生

楊文瑩曰毓峯為子脩太史從姪少孤事母以孝聞苦志勤學族鄰方以大器期之素善飲酒一日偶醉得句書案上云傲骨一生誰識我傷心三字不如人忽痛哭遽染疾不起

送子完七叔北上

蕊榜家聲重籍咸河梁取次拂征衫炯齋兄於己鸞輪飛渡

滄溟外看徧之呆來去帆

汪立功字懋齋錢塘人

沈銘曰懋齋髻齡嗜學吟詠脫口輒有佳句書傲晉唐小楷天然韶秀在骨偶寫花卉有南田逸韻鐵筆亦精絕而曇花之見遽爾摧折信所謂苗而不秀者耶

秋望

珊瑚萬樹倚晴霞幾處秋光入望賒之子不來遠鴻雁伊人宛在湖蒹葭碧天如水微波衍淡墨橫煙畫燈又怪底詩情太寥寂抱琴無語夕陽斜

孫祖耀字蓉卿號澹村餘杭增生

緝雅堂詩話澹村為補山廣文仲子安貧習苦劬學不輟研經餘暇輒以吟詠自娛嘔血三年一夕忽自焚其稟翌日遽歿僅得其焚餘之耕牛歎半首云朝飼牛驅之田暮牽牛歸自田一犁膏雨三春天東村此犢西村

連辛勤力作牛獨苦牛苦但願慶豐年其別兄一律詩
絕筆也以其兄手錄獨完余既悲溶村之志補山又從
事編詩之役不可無以
符其哀亟為登之卷尾

與伯兄 祖 遜 訣 別

病骨支離幾度春
暫棲弱草感輕塵
一衿詎慰懸弧志
百藥難醫就木人
天不假年甯負我
兒將有語重傷親
生平雅愛

西湖勝荷鋪煩兄瘞此身

嚴曾銓

字詮齋號容孫仁
和廬貢候選訓導

緝雅堂詩話生學有根抵已丑錄科余特賞其經策拔
置第一坐家累藁筆維揚今來鄉舉不埃揭曉而行無
何赴至蓋席未暖也別弟一律纏綿悱惻足增友悌之
重然商音滿紙不堪卒讀回憶編詩之役生與于采訪
兩年以來在事諸老一再凋謝感愴未已今
劑剛甫竣生又不祿錄及其詩滋益余悲矣
許濳祥傳略曾銓為小農河帥之曾孫公寬孝廉之子
先兄少珊府君之外孫也幼慧先公甚愛之少孤事母
孝母歿凡居家行事十餘年悉仍母教視從弟曾鑑如
同胞與人交必誠性和而介雖貧乏不輕干人生平謹

言語不賦否人物好讀書博覽強記萍鄉文編修廷式
 宜興朱孝廉啟勳同里譚大令獻吳編修慶坻皆引與
 為友尤精校長之學曩者孫孝廉禮煜輯說文會纂一
 書都六百卷皆其編定以屢躋名場鬱鬱不得志今年
 辛卯就館揚州九月
 嬰疾卒烏虜傷已

之揚州留別舍弟鏡濤

目斷長天太沆漻行舟催發怨金飈異鄉此去重陽節流水
 無情廿四橋儻插茱萸存別念且傾蕉葉其今宵阿兄意氣
 都消盡盼汝修翎上碧霄

兩浙輟軒續錄補遺卷六